

390921

Man. St. Dr.



390921



Handwritten notes in the right margin, including the number '4' and a horizontal line.


# RUDIMENTA HISTORICA

*Sive*

Brevis, facilisq; Methodus  
Juventutem Orthodoxam  
notitiâ Historicâ  
imbuendi,  
rô Gymnasiis Societatis JESU  
in Polona Provincia.

*Authore*

*Ejusdem Societatis Sacerdote*  
OPUSCULUM SECUNDUM  
De IV. præcipuis Monarchiis.  
Editio altera emendatior.  
Cum Superiorum permisso



L U B L I N I

Gypis S. R. M. Coll: Soc: JESU.

Annô Domini 1761.



## P R Æ F A T I O

**Q**UOD in Opusculo I. præfati sumus hîc denuo juvat innuere, lucubratiunculas nempe has nostras eò spectare unice, ut orthodoxa juvenus hithericâ quâdam notitiâ initietur, utque ipsa palam fiat, qua potissimum methodo præter alias, hæc quoque scientia tenenda possit animis commodius instillari. Quippe hac in re experientiam atque exercitationem ipsam posse quàm plurimum, nemo inficias iverit; cujus proinde ductu magisterio plenior perfectiorque tradenda Historiæ methodus Scholis nostris orthodoxis aptari deinceps, tradique poterit. Secundum hoc Opusculum præcipuas quatuor Monarchias ad CHRISTI que ortum, indeque Imperatores ethnicos ad Constantini M. tempora completitur. Imperatorum porro Christianorum res gestas in Opusculo III. prosequemur ne libelli isti & formâ & magnitudine nimirum inter se discrepent.

Par



Partitio hujus Opusculi.

P A R S I.

*De Monarchia Assyriorum.*

*Caput I.* De Monarchiis Assyriis usque ad Sardanapalum.

*Caput II.* De Monarchiis Assyriis à Sardanapalo usq; ad Monarchiæ hujus interitū.

P A R S II.

*De Monarchia Persarum.*

*Caput I.* De quinque prioribus Persarum Monarchiis.

§. 1. Cyrus. 2. Cambyses. 3. Darius Hystaspis. 4. Xerxes, 5. Artaxerxes.

*Caput II.* De quinque posterioribus Persarum Monarchiis.

§. 1. Darius Nothus. 2. Artaxerxes Mneumon. 3. Artaxerxes Ochus. 4. Arses. 5. Darius Codomanus.

P A R S III.

*De Monarchia Græcorum.*

*Caput I.* De Græciæ statu ante fundatam Monarchiam.

§. 1. De primis Græciæ antiquæ temporibus.

§. 2. De tempore intermedio Græciæ antiquæ.

§. 3. De tempore postremo Græciæ veteris.

Caput II. De rebus Græciæ memorabilioribus imperante Alexandro M. Græciæ Monarchiæ conditore.

§. 1. De rebus ab Alexandro M. gestis ante susceptum Imperium.

§. 2. De rebus ab Alexandro M. gestis post aditam regni possessionem.

§. 3. De Alexandri M. rebus gestis post stabilitam Monarchiam.

Caput III. De statu Monarchiæ Græcæ post Alexandri M. obitum.

§. 1. De Regno Macedonia.

§. 2. De Regno Asiæ.

§. 3. De Regno Syriæ.

§. 4. De Regno Ægypti.

## P A R S IV.

*De Monarchia Romana.*

### SECTIO I.

*De rebus Romanorum memorabilioribus ante conditam Monarchiam.*

Caput I. De Italiæ statu ante urbem conditam

Capitulum



caput II. De statu Romanorum post Urbem  
conditam sub Regibus.

- §. 1. Romulus & Remus.
- §. 2. Numa Pompilius, & Tullus Hostilius.
- §. 3. Ancus Martius, & Tarquinius Priscus.
- §. 4. Servius Tullus, & Tarquinius Superbus.

caput II. De rebus gestis Romanorū sub con-  
sulibus.

- §. 1. De novi regiminis forma post aboli-  
tum regium nomen.
- §. 2. De rebus gestis Romanorum ante bel-  
lum Punicum.
- §. 3. De triplici bello Punico.
- §. 4. De bellis Romanorum externis post e-  
versam Carthaginem.
- §. 5. De bellis Romanorum intestinis ante  
fundatam Monarchiam.

## SECTIO II.

*De Monarchis sive Imperatoribus Romanis  
usque ad Constantinum M.*

Caput I.

*Imperatores Saculi I. à CHRISTO Nato.*

Augustus.		Otho.
Tiberius.		Vitellius.
Caligula.		Vespasianus.
Claudius.		Tirus.
Nero.		Domitianus.
Galba.		Nerva.

A 3

Caput II



Caput II.

*Imperatores Saculi II.*

Trajanus.	Commodus.
Hadrianus.	Ælius Pertinax.
Antonin. Pius.	Didius Julianus.
M. Aurel. Antonin.	Septimius Severus.
& Lucius Verus.	

Caput III.

*Imperatores Saculi III.*

Caracalla & Geta.	Valerianus &
Macrinus.	Gallienus.
Heliogabalus.	Claudius II.
Alexander Severus.	Aurelianus.
Maximinus.	Probus.
Gordianus.	Carus, Carinus, &
Philippi pater	Numerianus.
& filius.	Diocletianus &
Decius.	Maximianus.
Gaius & Volusianus.	Constantius Chlorus
Æmilianus.	& Galerius.





# ISAGOGE,

sive

Quæstionculæ præviæ

De IV. præcipuis mundi Monarchiis.

1. *Quanam hæ quatuor Monarchiæ?*

1. Assyrica, 2. Persica. 3. Græca. 4. Romana.  
 Cur hæ inter omnes alias principatum tenent?  
 Tum quòd potentiâ, amplitudine & magni-  
 centiâ cæteris longè præstent; tum præcipuè,  
 quòd in sacris paginis crebrior earundem fiat  
 mentio.

3. *Qua specie IV. hæ Monarchiæ Regi Na-  
 chodonosori secundùm quietem objectæ fuerunt?*

Videre sibi visus est Rex statuam prægran-  
 em, cujus caput ex auro, brachia & pectus  
 ex argento, venter & femora ex ære, tibiæ  
 ex ferro cum pedum digitis partim ferreis,  
 partim fictilibus. In hos cum lapillus, sine  
 pe humana de monte avulsus, offendisset,  
 tota mox statua non solum corruit, verùm  
 contrita penitùs & comminuta est, ut pul-  
 veris instar in auras abierit. Lapillus porrò  
 in montem excrevit tam vastum, univèrsam  
 ut orbem impleverit.

4. *Què verò prodigiosum hoc somnium in-  
 terpretatus est Daniel?*

Divino afflatus Spiritu docebat, capite aureo

Assyricum, pectore argenteo Persicum, vent  
 zneo Græcum, pedibus qua ferreis qua fid  
 libus Romanum protendi Imperium: lapil  
 verò præsignificari CHRISTUM ipsum, q  
 humanam assumendo naturam à summis  
 ima se demissurus, hacque ipsa demissio  
 Regnorum profanorum potentiam juxta  
 magnificentiam protriturus, superque eoru  
 ruinas Regni sui, in omne ævum duratur  
 fundamenta jacturus esset.

5. *Quem porrò fructum affert historica h  
 de IV. Monarchiis notitia:*

Multiplicem. Nam 1. hac ex historia, v  
 luti fonte, historix reliquæ tanquam rivi  
 deducuntur. 2. Regnorum olim potentia  
 morum inclinationes & ruinae luculento r  
 bis argumento sunt, quàm labili fulcro  
 mais humana nitatur potentia, dum Regnu  
 alterum ex alterius ruinis ruderibusque e  
 surgit iterumque collabatur. 3. Cùm om  
 historia sit magistra morum, ad hos ritè fo  
 mandos illa haud parum conducit.

6. *Quæ epocha sive periodi memorabiliore.  
 inde ab orbe condito ad diem usque Chri  
 sti natalem hac in historia sunt  
 consideranda?*

### Sequentes quinque:

1. Ab orbe condito usque ad Assyricæ

Monar-

vent Monarchiæ exordia fluxerunt anni - 1879.  
 à sic Stetit Monarchia Assyrica ab anno 1879.  
 lapil usque ad annum 3516. universe annis 1637.  
 n, q Monarchia Persica ab anno 3516. ad  
 nis annum 3724. annis - - - - - 208.  
 iffio Monarchia Græca ab anno 3724. ad  
 xta annum 4024. annis - - - - - 300.  
 eoru Monarchia Romana ab anno 4024 ad  
 ratu annum 4053. quo natus est CHRISTUS  
 annis - - - - - 29.

Summa 4053.



PARS I.

P A R S I.

De Monarchia Assyriorum

Agemus hic 1. De Monarchis Assyriis usque ad Sardanapalum. 2. De Monarchis Assyriis à Sardanapalo usque ad Monarchiæ huius interitum.

C A P U T I.

De Monarchis Assyriis usque ad Sardanapalum.

*Quis Monarchia hujus fundamenta posuit.*

Nemrodus Nôemi pronepos, nepos Chanani filius Chusi, qui & Belus cognominatus. Ingenij acie, animique imperiosi impetu præstanti corporis robore utendum ratus, hinc mines libertate, qua ad id usque tempus sub Patriarchis fruebantur, spoliare decrevit. Titulo itaque Regis assumpto, urbem Babylonem condidit, sedemque ibi Regiam fixit. Regnavit annos quinque & sexaginta, violenta demum nece, ut tyranni solent, sublatus anno mundi 1944.

2. *Quis secundus Assyrii Imperii Monarcha fuit.*

Ninus Nemrodi filius, paternæ ambitionis fastusque hæres. Hic imperii fines prorogavit, sumptis armis, Assurum, filio Semi, Assyrii

vi eripuit. Inde jactis ad Tigrim fluvium  
urbis novæ fundamentis, hanc suo ex no-  
mine Niniven dixit, regiaque sede nobilita-  
ta, Regis Assyriorum titulo sibi arrogato.  
Ninivæ nomen ut nomen immortalitati consecraret,  
tuam excitavit, humanis primùm, dein di-  
vinis adèdè honoribus augeri cœptam; unde i-  
dolorum cultus vel exordium sumpsit, vel in-  
s certè incrementum. Imperavit Ninus an-  
s quinquaginta duos, vi astuque conjugis  
sux de medio sublatus A. M. 1996.

*Quis post Ninum imperii habenas modera-  
tus est?*

Semiramis Nini uxor, quæ prima è mulie-  
ris sceptrum tenuit. Ausa est arrogans &  
ambitiosa mulier à Nino petere, sibi ut li-  
beret quinque duntaxat dies summam re-  
m administrare. Annuit ille. At hæc con-  
fida sibi suprema potestate in concedentis per-  
niciem abutens, Regem ipsum interficiendū  
ravit, indeque imperium, per vim summam  
e impietatem occupatum, annos duos &  
adraginta virili sanè animo & auctoritate  
ssit. Urbem Babylonem miræ altitudinis  
eta ac latitudinis mœnibus cinxit, splendi-  
sque ædificiis & hortis pensilibus ad mira-  
lam usque exornavit. Bellis prosperè stre-  
eque gestis totam brevi Mediam, Ægyptū  
Libyam in ditionem suam redegit. Hæc  
tamen

tamen laudes, rerumque gestarum fam-  
turpi impudicitiae scelere plurimum obscuro  
vit. Quocirca à suomet Filio Ninia intere-  
pta est A. 2038.

4. *Qui porro subsequentes tres & triginta  
Monarchae Assyrii ad Sardanapalum usque  
Republicam gubernarunt?*

Vitam omnes foedissimam pecudum mor-  
agebant. Quippe regnandi cura omni ab-  
acta, perpetuis voluptatibus perfluebant, in-  
gni, quorum vel nomina memoriae prodantur.

5. *Quis, qualisque Sardanapalus fuit?*

Septimus ac trigesimus Assyriae Monarchae  
mortalium effœminatissimus, & infame Ve-  
ris mancipium, cujus proinde imperium  
pulus omnino detrectaverat. Primus jugu-  
excussit Arbaces, Mediae Praefectus. Hic du-  
fortè Regem foeminarum gregi immistu-  
muliebri sub habitu ad colum sessitare consp-  
xisset, eundem, societate cum Belocho Bab-  
loniae Praefecto inita, regia in urbe Nini-  
obsedit, easque in angustias, & ultimam  
mum desperationem adduxit, ut violentas  
bimet manus inferre statuerit. Ingenti ig-  
tur pyrae, regio in palatio extructa, lectul-  
mollissimos cum rebus quibusque pretiosis  
mis superimponi jubet, moxque rogam cu-  
suis pariter mulierculis conscendens, admi-  
tis facibus, vivus comburitur A. 3178.

CAPUT II.

de Monarchis Assyriis à Sardanapalo usque ad Monarchiæ hujus interitum.

*Quot porrò Assyriorum Reges ad Monarchiæ usque excidium rerum potiebantur?*

Duodecim, è quibus quinque duntaxat commemorandi, nempe Salmanasar, Sennacherib, Merodach, Nabuchodonosor, & Balthasar.

2. *Quis Salmanasar?*

Quadragesimus Assyriorum Rex, qui regnū cæliticum funditus evertit. Rege Osea cum gentibus Israël tribubus, quas inter Tobias vir summa pietate ac religione, in Assyriam abducto, perpetuoque servituti addicto. In Sarraceniā porrò habitatoribus viduatam novam Chaldaea coloniæ sunt deductæ. Unde Judæos inter & ethnicos ea sacrarum confusio constitit, quæ Samaritanos à Judæis, rectè tunc edentibus, æternis animorum dissidiis segregavit.

3. *Quis Sennacherib?*

Hic hostis Judæorum acerrimus atque infestissimus, regnante Ezechia, ingenti cum exercitu Hierosolymam contendit, urbem funtus deleturus. At DEUS Regis juxta ac populi precibus imploratus, Angelum misit, qui noctis unius spatio centum octoginta quinque millibus de Sennacheribi exercitu interfecit.

festis bellum repente profligavit. Tanta ca  
 de maximopere conslernatus tyrannus, ut  
 os, quos sibi obiratos credebat, placaret, fil  
 geminos, natu minores, immolare decre  
 Jamque impia sacra peracturus erat, cum  
 duobus filiis, natu majoribus, ad aras obtru  
 catur A. 3313.

4. *Quis Merodach?*

Hic Nabuchodonosor quoque cognominatus, expugnata Hierosolymâ Manassem, Jud  
 Regem, Babylonem captivum abduxit, sep  
 moque post anno in libertatem restituit.

5. *Quis porro Nabuchodonosor Magnus?*

Sextus & quadragesimus erat Assyriorum  
 Rex, quem, quod orbem propè universum  
 mis contriverit, DEUS ipse terræ univer  
 malleum appellavit. Hic Hierosolymâ solo  
 quata, multa Judæorum millia cum sacris  
 sis Babilonem abripuit. Tam prospero ar  
 rum successu nimio opere elatus, auream  
 statuam, quam prono omnes in terram  
 tu venerarentur, ponendam curavit.

6. *Quo supplicio DEUS tantam hominis insolentiam castigavit?*

Cum Rex hic longè arrogantissimus sup  
 homines sese extulisset, ab horum consortio  
 legatus in sylvas, septem ipsos annos cum  
 ris habitans, bovis instar gramine vesci cog  
 batur, donec expiata hunc in modum supe  
 bia



ta c, animique elatione, à DEO in gratiam re-  
 ut lotus, sibi que ac regno est restitutus. Inde  
 t, filio nio ferme superstes, ex Danielis, ut ajunt,  
 crevit, institutione, veri Numinis cultui se addixit, fa-  
 cum to functus A. 3472.

obtru. *Quid de Balthasare compertum habemus?*  
 Hic Regum Assyriorum undequinquagesi-  
 is ac postremus A. 3495. suscepit imperiū,  
 bmir. litque exigua admodum cum laudē. Anno  
 Jud. gni primo ac vigesimo opipatum epulum  
 , sep. truxit, ubi è sacris templi vasis strenuē in  
 it. oem perpotatum est. At ecce! dum lætis  
 mus? ania vocibus personant manus ignota pari-  
 rior. tria hæc verba *Mane, Thecel, Phares* in-  
 um. ibit, Regemque ingenti profus timore per-  
 iver. lit. Nec alius ullus ænigma hoc solvere  
 solo. terat, præter Danielem Prophetam, qui ver-  
 ris v. illis præsentem Regi, totique Imperio per-  
 artm. ciem portendi prædixerat. Id quod mox  
 m. fi. obavit eventus. Quippe eadem nocte à Cyro  
 m. v. rsarum Rege urbs Babylon occupata, occi-  
 minis. que Balthasare, Monarchia Assyriorum, post-  
 lam annos 1627. steterat, funditus eversa  
 est Annò 3516.



## Observationes.

1. *Cur in mystica illa Nabuchodonosoris sta-  
Regnum Assyrium aureo capite  
portendebatur?*

Quia ut aurum metallis reliquis, ita Monarchia hæc cæteris regnis omnibus & potentia & amplitudine & magnificentia locum præstabat.

2. *Cur Regnum Assyrium etiam Chaldaicum appellatur?*

Quia posteriores Assyriorum Monarchiae lecta Ninive, principe Assyriæ urbe, sedem suam in urbem Babylonem, Chaldaeæ metropolim transtulere.

3. *Cur DEUS homines improbos & idolorum cultui deditos, quales erant Assyrii, tot epiborum rerumque terrenarum affluentiam cumulari*

Ut palam fieret orbi universo, quam parvum estimanda sint fluxa & peritura hæc bona. pote quæ DEUS suis etiam inimicis munificenter largiri solet.

4. *Qua causa, quod regnum hoc amplissimum abominando idololatria scelere & contagione infectum penitus fuerit & corruptum?*

Causa potissima improbitas erat, impietateque Regum Assyriorum, qui veri Numini cultu neglecto in omni scelerum ac libidinis cœno se volutabant.

*Quo pacto DEUS per hos ipsos Reges communi populi sui electi bono salutique prospexit?*

His, quasi virgis flagrisque usus est ad castiganda suorum flagitia, quos hac ratione ad penitentiam legisque observantiam quodammodo compulit. Nec tamen destitit, eos læta cum fiducia suum implorantes auxilium e potenti suo brachio ab hostiū incurfibus & pugnationib; mirabiliter tueri ac vindicare.

*6. Quo demum casu regnum hoc potentissimum penitus collapsum est?*

Id DEI immortalis nutu factum est, cum ut regum juxta ac populi scelera vindicaret; tum tantæ Monarchiæ excisione rerum humanarum inanitatem toti orbi demonstraret.

*7. Nihilne in historia hac dubium & controversum est? Et unde hoc?*

Sunt omnino non pauca cū ob temporū tiquitatem, tum ob idoneorum auctorum nuriam. Quæ certa sunt & indubitata è factis fermè paginis eruuntur. Chronologia quoque iisdem de causis minùs explorata & expedita est.

*8. Ecquid enolumentum Judæi durante sua captivitate attulere Assyriis?*

Permulta hi à Judæis discere poterant, ad ram præcipuè Religionem, cultumque divinum pertinentia.

# P A R S II.

## De Monarchia Persarum.

Pars hæc duo complectitur capita. In primo agemus de quinque prioribus, in secundo de posterioribus quinque Persarum Monarchiis.

### C A P U T I.

#### De quinque prioribus Persarum Monarchiis.

#### §. I.

Cyrus.

#### 1. *Quis primus Persarum Monarcha?*

Cyrus, qui singulari DEI providentia totius Orientis Imperio est potitus. Hunc enim DEO ad æterna Sanctissimaque sua decreta sequenda destinatum fuisse multò antè Hæc Prophetes vaticinatus est. Recens natus stitages avus somniis quibusdã exterritus morti addixit, à qua tamen mirabili DEI providentia est ereptus. Ubi adoleverat, Medos, Persas & Lydos, horumque Regem Cræsum longè ditissimum debellavit. Eversã exinde Assyriorum Monarchiã, Asiæ universæ dominatum obtinuit.

#### 2. *Qua occasione Judæis favere capit?*

Cùm eidem Babylone expugnata Daniel a

m ætatis nonagesimum tunc agens, Isaia  
 prophetæ ostendisset oracula, disertè prænun-  
 tans, Cyrum tanquam supremum exercitu-  
 Ducem à DEO electum, Judæos, devictis  
 gentibus, libertate donaturum, hos ad annum  
 520. manumisit, templique Hierosolymitani  
 ædificandi potestatem fecit amplissimam.

§. *Quo tandem fato Cyrus tot victoriis  
 inclytus occubuit?*

Postquam annis sex Imperii habenas felici-  
 moderatus est, à scæmina victus, in acie ce-  
 dit. Tomyri Massagetarum Reginae bellum  
 ulerat minimè necessarium, lætis primùm  
 picipiis, quippè non solum prælio vicit, sed  
 ginæ quoque Tomyris filium interfecit. At  
 ulò post redintegratâ pugnâ, superatus at-  
 que ad internecionem cæsus est. Occisi ca-  
 pte cervicibus abscissum Tomyris in utrem  
 pleno sanguine plenum immisit, his verbis  
 ultans: *Satia te sanguine, quem sitisti.* An-  
 nò 3524.

§. 2.

## Cambyfes.

1. *Quis secundus Persarum Monarcha?*  
 Cambyfes, Cyri filius, Tyrannus sævissimus,  
 noque nimio opere deditus. Qua de re cùm  
 Prexaspe familiari suo permodestè fuisset ad-  
 monitus, arrepto mox arcu & sagitta Prexa-

spis filiolo cor trajecit, hoc facto ostensurus, utut ebrium ( bene enim potus tunc erat impotem sui haud esse. Inhumanam jaculatoris dexteritatem laudare etiam debuit infelices parens, faterique, Regem vel temulentum mentis sat compotem esse.

2. *Quae alia crudelitatis exempla edidit?*

Præter sororem suam; duodecim senatorii ordinis viros, quod verum dicere ausi essent, medio sustulit. Quin & in factis ejus cæteris quin egregiis locum habuit crudelitas, ut duodecim judicem, injustitiæ reum, vivum deglubi perleque detracta sellam jussit induci, in qua lius jus diceret, paternoque supplicio sui seipsum per officii commonefieret. Nec minorem crudelitatem Ægyptios, quos armis subegerat, crudelitate exercuit.

3. *Quis vita ejus exitus?*

Cum de coorta in Persia seditione certior factus esset, confestim in equum insiliit, ex quo dum postmodum parat descendere, gladius fortè vaginã excussum, in femore sibi defixit.

Quo ex vulnere mortuus est Annõ 3537

§. 3.

Darius Hystaspis.

1. *Quis tertius Persarum Monarcha?*

Darius Hystaspis, nobilis Persa forte foris regnum adeptus. Cyri stirps, Cambyses mortuus

ortuo, exaruerat. Quapropter Persarum priores cum Regem constituere decreverant, eius equus die præstituta exorientem Solem, Persarum DEUM, hinnitu suo omnium prius salutârît. Sors favit Dario, quem equus eius ad Imperium evexit. Huic quinque & ginta, quibus regnaverat, annis, plurimum regni Babylonii & Scythæ, atque inprimis Græci facessivère.

*Quo pacto rebelles Babylonios sub jugû misit?*  
 Insolito prorsus Zopyri ducis Persici stratagemate. Hic naso & auribus sibimet præstitis ad Babylonios transiit, quamque crudeliter à Dario habitus fuisset, non tam verbis, quam vulneribus ostendit, suam adversus illû peram prolixè offerens. Asseveranti fides est habita. Cùmque eruptione facta, Persas non sine clade aliqua de composito repulisset, totus exercitus dux constituitur, quo ad Dariû adducto, cives refractarios ad deditiorem compulit.

*Quo successu expeditio in Scythas suscepta?*  
 Contra hos Darius septies centena millia in armis eduxit; sed irritò planè eventu. Quippe barbari in montes, quò tantus exercitus penetrare haud poterat, recedentes, è suis labulis insultare etiam Dario sunt ausi, cui puerum & murem cum sagittis dono misère, significaturi, Persas à Scytharum sagittis mini-

mè tutos fore, nisi vel cum piscibus in aqua  
degere, vel cum muribus sub terra possent  
litescere.

4. *Quæ bella cum Græcis gessit?*

Hos navali prælio vicit, victus vicissim  
iis in campis Marathoniiis. Tacendus hîc  
nimè est Cynægyrus miles Græcus, qui mi-  
ficū planè virtutis suæ specimen edidit. Qui  
pe onustam hostium navem natando affec-  
tus, dextrâ primùm, tum levâ, & præcisâ  
traque, mordicus arreptam è fuga retrahere  
moliebatur, donec & caput eidem abscissu-  
est. Darius porrò postquam è filiis suis Xe-  
xem regni hæredem dixit, provec̃ta jam æ-  
te diem suum obiit Annò 3569.

§. 4.

Xerxes.

1. *Qua laude hic regnavit?*

Cladem parenti in agro Marathonio il-  
tam ulturus tricies centena, ut perhibent, ni-  
litum millia trans mare in Græcos eduxit.  
Hunc tam numerosum exercitum cùm ex-  
dito loco contempleretur, illacrymâsse fertur  
secum reputans, paucis post annis ne unus  
quidem tanto è numero superstitem fore.

2. *Quæ magnificentie dicam, an amentie  
monumenta reliquit in Græcia?*

Hellesponto verbera infligi, ferreasque cor-  
pedes



des injici jussit, quod is pontem, per quem  
 descendendum erat militi, aquarum impetu dis-  
 cerit. Pontis porro structores capite idcirco  
 plectebantur. Inde mari quasi insultatu-  
 s, ponte gemino navibus septingentis jun-  
 cto, exercitum trajecit.

*Quibus auspiciis cum Græcis conflixit?*

Prorsus infaustis; Græci enim pauci licet  
 mero, at virtute præstantes innumerabili  
 sarum exercitu intra anni spatium ternis  
 æliis fuso fugatoque, Xerxem è Græcia u-  
 versa excedere compulère. Nec feliciore  
 arte pugnavit Mardonius Persici exercitus  
 x., ad prosequendum bellum in Græcia re-  
 tus, qui & ipse non castris tantum, sed &  
 cæ exutus est, perpauca tanto è numero  
 rsiam reviventibus. Inter auxiliarias Darii  
 hortos Artemisia quoque erat, Carix Re-  
 na celebratissima, quæ, Persis muliebrem a-  
 num gerentibus, virili planè constantia &  
 fortitudine cum hoste conflixit.

*4. Quam mortem appetiit Xerxes?*

Post bellum hoc ob fœdas libidines vitæ-  
 re turpitudinem suis tam odiosus esse cœpit,  
 ab Artabano, prætorix cohortis præfecto,  
 gio in conclavi trucidatus fuerit anno regni  
 vicesimo, mundi 3589.

§. 5.

Artaxerxes Longimanus.

1. *Qua laude Artaxerxes quintus Persarum Monarcha regnavit?*

Hic, quod brachium seu manum dextram lævâ longiorem haberet, *Longimanus* dictus occasione inde captavit, largiore manu illis subveniendi; unde omnium sibi animi mirificè devinxit. In expeditionibus contra gyptos Græcosque susceptis modo prospere modò adversâ fortunâ usus est.

2. *Quid eo regnante, factum Themistocle*

Insignem hunc Græcorum ducem, quem suorum invidia Athenis ejecerat, Artaxerxes ad se confugientem lætus lubensque excepit ac licèt præpotentem antehac adversarium eundem sit nactus; ob virtutem tamen, amique altitudinem perbenigne ac planè filicè habuit. Nec alium belli, quod Atheniensibus parabat, ducem optabat, quàm Themistoclem; qui tamen, ut hanc caperet prævinciam, in animum inducere haud potuit. Ne igitur aut in patriam, quamvis ingratarum impius, aut in Regem, de se optimè meritorum iniquus esset, mortem veneno sibi conscivina

3. *Quo nomine in sacris paginis Rex hic vocatur?*

Hic ex quorundam sententia Assverus ille est.

, de quo in Estheris volumine crebra fit  
 entio. Postquam imperii clavum perdiu,  
 iciterque tenuit, è vita migravit A. 3629.

C A P U T II.

e quinque posterioribus Per-  
 sarum Monarchis.

§. I.

Darius Nothus.

1. *Quid de sexto hoc Persarum Monarcha  
 memorandum?*

Hoc regnante templum Hierosolymitanum  
 solutum tandem, rituque solemnè inaugu-  
 ratum est.

*Qua ratione Democritus Dariũ, amore prorsus  
 infatuatum, ad saniozem mentem reduxit?*

Mulierculam amore tam insano deperibat  
 ex, ut nihil inausum intentatumque reli-  
 querit, quo eam, præcoci fato ereptam, ad vi-  
 tam revocaret. Democritus Philosophus hanc  
 inferis suscitaturum se recepit, si ex omni  
 mortalium numero tres duntaxat sibi nomina-  
 rentur, qui nullius unquam rei tædio per o-  
 nem vitam fuissent affecti. Tria hæc nomi-  
 na defunctæ tumulo inscripturum se, atque  
 hoc pacto in vitam protinus eam reducturum.  
 advertit Darius, quid Democritus vellet, sto-  
 doque exinde incepto desistit. Obiit A. 3649.

§. 2.

§. 2.

Artaxerxes Mnemon.

1. *Quid de hoc speciatim commemorandum*  
 Septimo huic Persarum Monarchæ, qui  
 memoriæ felicitatem *Mnemon* sive *memor*  
*valens* cognominatus est, multum negotii  
 cessabat Cyrus frater natus minor, à matre  
 primis Parylatide adjutus, itemque à Græc  
 instigatus in fratrem Artaxerxem, à quo ac  
 tandem victus, interiit.

2. *Quæ Monarchæ hujus virtutes?*

Singulari erat humanitate ac beneficenti  
 Id quod præter alios pastorum quispiam est e  
 pertus. Hic cum Regem dono quodam,  
 Persis mos est, prosequi vellet, at prohiben  
 paupertate haud posset, aquam è proximo ri  
 volâ exceptam Regi obulit, cui pauperes  
 pastoris propensum in se animum aureâ pater  
 magna que pecuniæ summâ remuneratus est

3. *Quibus potissimum vitiis virtutes has  
 obscuravit?*

Voluptatum illecebris nimio opere se ded  
 dit. Centum porro & quindecim filii ob v  
 tam, patris exemplo turpiter ac flagitiosè  
 etiam magno mœrore senē affecerant, quoa  
 è corpore excessit anno regni quadragesimo  
 mundi 3689.

§. 3.

§. 3.

Artaxerxes Ochus.

1. *Quis octavus Persarum Monarcha?*

Artaxerxes Ochus Mnemonis degener filius tyrannide infamis, qui, ut thronum sibi statueret, mox à suscepto Imperio è fratribus & propinquis octoginta contrucidari iussit. Hac crudelitate populus vehementer commotus, seditionem moliebatur, quam tamen temporari sedavit.

2. *Quae ejus res gesta in Aegypto?*

Regionē hanc, quae ab annis quinquaginta eorum excusserat, sub Persarum denuò impetum redegit. Cùm in Aegypto subsisteret, bonum, ab incolis pro DEO habitum, mactari, & solemnem epulo convivis apponi iussit, substituo & in templum introducto asino, cui Aegyptii bovis loco divinos deferrent honores.

3. *Quo factò interiit?*

Postquam sceptrum sex & viginti annos tenuit, veneno sublatus est à Bagoa, sibi persuasurum, qui Regis corpus minutim concisum fibris vorandum objecit: ossa verò in gladium manubria convertit, ut Ochus vel mortuus tyrannidi deserviret. Erat Bagoas ortu Aegyptius, qui eo ultionis genere injuriā bovis DEO Patrio, illatam, vindicatū ibat. A. 3714.

§. 4.

§. 4.

Artes.

1. *Quis nonus Persarum Monarcha?*

Artes, Ochi filius, qui thronum regium nos haud ampliùs quatuor occupavit.

2. *Quis eum de medio sustulit?*

Bagoas; cùm enim Artes dicere audisset, se in patris interfectorem commerito supplicio animadversum, veneno ab eodem percussus est.

§. 5.

Darius Codomanus.

1. *Quis Decimus atque ultimus Persarum Monarcha?*

Darius Codomanus, quem Bagoas parricidæ ad solium evexit; at paulo post deturbare eum de, propinato veneno, in animum induxit. Quo comperto Darius proditorem hunc ad ebibendum, quod miscuerat, venenum compulit.

2. *Quis potentissimus Darii hujus antagonista fuit?*

Alexander Macedonũ Rex, cui Darius tempore brevissimo Monarchiam universam cedere coactus est. Despexerat hic primò juvenem Macedonem, cui virgas cum pila & auri macedonem dono miserat, inveniens, se Alexandrum perniciosum ac puerum habere, qui ferulæ etiamnum succum

jaceat.

ceat, aptiorque sit crepundiis, quàm armis  
 etandis: cui, ut cætera omnia luppeterent,  
 rvus certè belli pecunia defutura esset. At  
 ox contraria omnia ostendit præstititque ju-  
 nis Alexander, à quo Darius tribus decreto-  
 s præliis debellatus, post cladem ultimam  
 vitam, & regnum amisit A. 3724. post-  
 iam Monarchia hæc annos ducentos & o-  
 cto steterat.

## Observationes.

### De Monarchia Peritarum.

*Cur in Nabuchodonosoris statua Monarchia  
 Persica pectore argenteo præsignabatur?*

Ad ostendendam ejusdem potentiam, opu-  
 ntiamque permagnam quidem; Assyriorum  
 amen potentia & opibus haud æquiparanda.

2. *Quo stimulante Persarum Monarcha  
 tot bella gessere?*

Instigante potissimum superbia, dominandi-  
 ue & Imperii amplificandi libidine.

3. *Cur Persæ milite licet numerosissimo in-  
 structi ornatique, hostibus; Grecis præser-  
 tim, ut plurimum succubuere?*

Quia plus ostentationis præferabant, quàm  
 virtutis bellicæ.

4. *Cur de tribus Perjarum Monarchis  
 Smerde, Xerxe II. & Sogdiano  
 nulla hic mentio fit?*

Smerdis sycophanta erat, qui Smerdè, Cam-  
 bys

byfis fratrem, mentitus, in regnum, quod  
 ptem mensibus tenuit, se ipse intrusit, ac p  
 inde inter legitimos Persarum Reges nurr  
 randus haud est. Xerxes II. & Sogdian  
 quòd tempore brevissimo regnârint, à plu  
 bus historicis prætermittuntur. Unde & n  
 qui brevitati, quoad ejus fieri potest, studem  
 supervacaneum esse duximus, de tribus hi  
 mentionem movere. Pseudo Smerdis Ca  
 bysi; Xerxes II. verò & Sogdianus Artaxe  
 Longimano proximè successêre.

5. *Quid emolumentum Monarchia hæc attulit  
 populo DEI electo?*

Spatium huic facultasque data est collige  
 di sese, templumque & veri Numinis cultu  
 instaurandi.

6. *Quis Persie status ante stabilitam  
 Monarchiam?*

Regni primùm Assyrii pars hæc erat, à q  
 post Sardanapali tempora, avulsa, Medis,  
 tandem Cyro cessit.





# P A R S III.

## De Monarchia Græcorum.

Pars hæc tria continet capita. In primo agemus de Græciæ statu ante fundatam Monarchiam; In secundo de rebus Græciæ memorabilioribus imperante Alexandro M. Monarchiæ Græcæ conditore. In tertio de statu Monarchiæ Græcæ post Alexandri obitum.

### De Græciæ statu ante fundatam Monarchiam.

#### §. I.

De primis Græciæ antiquæ temporibus.

1. *Quo tempore habitari cepit Græcia?*

1. Sub annum mundi 1890. Egialeus initium dedit Regno Sicyoniorum.
2. Regno veteri Argivorum Inachus A. 2199.
3. Isaaci Patriarchæ temporibus.
4. Moysis tempore A. 2466.
5. regni Atheniensis fundamenta jecit Cecrops, qui & Areopagitarum concilium longè celebratissimum instituisse fertur.
6. Regnūacedemoniorum initium sumpsit A. 2570.
7. Thebanorum A. 2620.
8. Corinthiorum A. 2645.
9. Micæneorum A. 2757.
10. Lydorum A. 2835.
11. Macedonum A. 3240.

2. *Quo*

2. *Quo maximè tempore fabula apud  
Græcos invaluere?*

Vigebant hæ quingentis fermè annis usque  
ad A. M. 2895. quando Græci rerum gestarum  
veritatem allegoricis ac symbolicis communi-  
tis permiscuerunt, sive majoris inde auctori-  
tis iisdem conciliandæ, sive ingenii exercen-  
di causa.

3. *Quæ fabula nominatiores?*

1. Cadmus primus Thebanorum Rex litte-  
ræ à Phœnicia, ubi antè inventæ jam erant,  
Græciam invexit.

2. Argonautæ Jasone duce in insulam Col-  
chidem navigârunt ad vellus aureum, vel pur-  
pureum thesauros ingentes inde avehendos, quibus  
post maxima pericula, laboresque exantillatis  
tos tandem sunt potiti.

3. De Hercule heroe Thebano complura narra-  
morantur facinora, miranda profus. Ac præsertim  
mò quidem cùm etiamnum in cunis vagaretur,  
geminos augues elisit. 2. Jam adultus aprum  
terribilem, omnia circumcirca pervastantem  
in Erymantho Arcadiæ monte cepit. 3. In  
Nemæa sylva inulsitatæ magnitudinis leonem  
jugulavit, pellemque detractam pro chlamyde  
de gestavit. 4. In Hesperidum hortis draconem  
interfecit. 5. In Thracia Regis Dionysii  
dis à se devicti corpus ejusdem equis devorandum  
objecit. 6. In Libya colluctabatur cum

in Antæo immani gigante, qui quoties tetra  
n attigit, fortior ex lapsu surrexit, donec  
Hercules in aëra sublatus suffocavit.

4. In Lernæa palude septem capitum hy  
dra, cui resecto uno, plura mox capita suc  
crescebant, peremit. Hæc aliaque facta com  
mota Poëtæ ingeniosis suis commentis nimi  
um involverunt.

5. Hercules porrò post tot tantaque facinora  
Lycophalen, Lidyæ Reginam, amore tam insa  
niter deperibat, muliebri ut veste indutus, nere  
colū vilisque instar ancillulæ eidem deservi  
um non dubitarit. Id quod Deianira, ejus con  
jugis, tam indignè tulit, ut vestem veneno infe  
ctam illi miserit. Hanc cum induisset, totus  
in iram actus, in Oeta monte constructâ py  
ramide se ipse combussit.

6. Heroës Græci, Agamemnon nempe, U  
lysses, Achilles, aliaque complures urbē Tro  
iam, decem ipsos annos obsessam, stratagemata  
et tandem cepere. Namque induciarum tem  
pore ingentem equum ligneum, milite refer  
entem, per murorum ruinas in urbem immise  
runt, eaque incensa, ac funditus eversa, solum  
terrenum consperferunt A. 2870.

7. Sub fabulosa hæc tempora inclaruere po  
puli Promethæus, Atlas, Phaëthon, Deu  
ion, Orpheus, Midas, Ganymedes, Tanta  
lus, Perseus, Bellerophon, Bacchus, Theseus,  
C Dædalus,

Dædalus, Icarus, Oëdipus, Atreus, & Thyest  
&c. fabulosis omnes Græcorum carminibus  
clyti.

§. 2.

De tempore intermedio Græciæ antiquæ

1. *Quo tunc loco statuque erant Græciæ regna*  
Pleraque in Respublicas versa & mut  
fuère. Has inter eminebat Sparta & Athen  
quibus diu multumque de principatu conc  
tantibus, tandem Sparta prævaluit.

2. *Quid de Codro, ultimo Atheniensium*  
*Rege memoriae proditum est?*

Bello gravi ac diuturno Athenienses in  
& Lacedæmonios oborto, ex oraculo cogn  
est, eos futuros superiores, quorum dux  
hoste occisus esset. Igitur Codrus amore  
trix pannoso vestitu indutus, ultro se ab ho  
bus interficiendum curavit, qui Regis cada  
re agnito, memores oraculi, re infecta disc  
sère A. 2983.

3. *Quæ bella gessère Græcorum Respublicæ?*

Non pauca cum Persis, eaque felicibus f  
mè auspiciis. Inde turbis dissidiisque variis  
psas inter Respublicas obortis, opes suas vir  
que mutud attrivère.

4. *Qui ludi Olympii?*

Celebrabantur hi quarto quoque anno co  
pleto circa solstitium æstivum ad urbem Oly  
pnam magno totius Græciæ concursu, ubi )  
ventus

atus cursu, saltu, disco, lucta, & castibus se  
 erebat. Qui igitur ex quinque hisce cer-  
 di generibus victor evasit, tanquam Olym-  
 nices triumphali pompa domum reduce-  
 ur. Græci A. 3278. per Olympiades tem-  
 ra supputare cœperunt. Olympias porro  
 tium erat quatuor annorum & quinti jam  
 hoati.

5. *Quid tempore hoc intermedio singulari  
 insuper memoria dignum?*

Tot viri, vel re militari, vel ingenuis arti-  
 s ac disciplinis longè celeberrimi, quibus  
 henæ potissimum, & Sparta abundabat.  
 emistoeles, Miltiades, Cimon, Aristides, Pi-  
 ratus, Agésilæus &c. genere Athenienses,  
 o patria fortissimè dimicabant. E ducibus  
 artanis celebratissimi fuere Leônides, Pau-  
 ias & Lysander. Draco & Solon Atheni-  
 sibus, Lycurgus verò Spartanis leges præ-  
 ipferant: Thales, Pittacus, Bias, Cleobu-  
 s, Periander, Chilo, & Solon, septem illi  
 æciæ Sapientes erant, famâ ubique notissi-  
 . Homerus Poëtarum princeps, Herodo-  
 s Historiæ parens, Æsopus auctor erat apo-  
 gorum &c.

§. 3.

De tempore postremo Græciæ veteris.

*Quis Græciæ status tempore postremo ante  
 conditam Monarchiam?*

Macedonia haud amplum admodum, & ad usque temporis prope ignotum Græciæ regi ad totius orbis Imperium sensim cœpit adoscere. Regnaverat tunc Philippus Alexander Magni parens, qui, cùm urbium Græcarum vires opesque intestinis turbis ac dissensionibus distractas magnopere & diminutas contempsisset, in turbido piscari cœpit felici admodum successu. Quippe Græciâ universâ in potestatem redactâ, omnium tandem Ordine consensu in ducem est electus. At enim cùm fortuna quàm maximè affulgeret, inter in nuptiarum filix Cleopatrx solemnia intererat patus est.

2. *Quinam scientiis & artibus tunc maxime eminuerunt?*

Inter Philosophos Plato, Aristoteles, Socrates, Diogenes, Heraclitus & Democritus. Inter Mathematicos Archimedes cùm Euclidem. Inter Poetas Pindarus, & Sapho poëtria. Inter Pictores Apelles, Parrhasius, & Zeuxis. Inter Statuarios Phidias & Policletus &c.

## C A P U T II.

De rebus Græciæ memorabilioribus,  
imperante Alexandro M. Græcæ  
Monarchiæ conditore.

Hoc capite agemus 1. De rebus ab Alexandro gestis ante susceptum Imperium. 2. De gestis

gestis ab eodem post aditā regni possessionem.  
 3. De ejusdem rebus gestis post stabilitam Mo-  
 narchiam.

§. I.

De rebus ab Alexandro M. gestis ante  
 susceptum Imperium.

1. *Quanam Alexander jam inde à puero magni,  
 excelsique animi dedit specimina?*

Natus hic erat A. 3698. Cùm de Philippi  
 parentis sui victoriis, etiā tum adolescentulus  
 inaudisset, flens conquerebatur, nil sibi à pa-  
 rente relinqui, quod subigeret, ac debellaret.

2. *Quis Alexandrum ingenuis artibus  
 informavit?*

Aristoteles, vir omni eruditione præstans,  
 quo magistro ingentes in litteris progressus  
 quinque annorum spatio fecit. Neque verò  
 diligentix quidquam in se desiderari est pas-  
 sus, frequenter dictitans, se non modò ampli-  
 tudine dominatùs, sed doctrinæ quoque excel-  
 lentia super alios eminere velle.

3. *Quo animo in suum hunc Magistrum fuit  
 Alexander?*

Summo semper honore prosequabatur Ari-  
 stotelem, dicere solitus, plus eidem debere se,  
 quam parenti suo: huic enim non nisi vitam;  
 illi verò bene vivendi artem se referre acceptā.

4. *Quo pacto Leonida moderatoris sui in Deos  
parsimoniam redarguit?*

Cùm hic Alexandrum puerum plena manu thus aris ingentem vidisset, submissum admonuit, parcius nunc ageret, ac tum demum largiore manu thus adoleret, cùm regiones thuriferas subegisset. Cujus rei probe memor Alexander, cùm Arabiâ potitus jam esset, Leonidæ navim thure onustam misit, nuntiarique jussit, thuri Diis adolendo nè porrò parceret.

5. *Qua arte equum Bucephalum domuit?*

Equus hic generosissimus ingenti pretio venalis proponebatur Philippo Alexandri parenti, qui tamen illum ob ferocitatẽ perparvi, plurimi contrà æstimabat Alexander, effecturum se pollicitus, ut ferociam poneret. Ridente ad hæc Philippo, equum confestim aggreditur Alexander. Cùmque advertisset, illum suimet corporis umbram perhorrescere, recta Soli eundem obvertit, miraque agilitate conscendens, ferocientem caballũ eâ dexteritate circumegit, ut Philippus parens totus primùm attonitus, dein manantibus præ gaudio lacrymis Alexandrum oscula inter & amplexus sic compellarit: *Fili mi, aliud tibi regnum quære; siquidem Macedonia te non capit?*

6. *Quid de eodem Bucephalo porrò memorandum?*  
Quando ornatus erat, armatusque ad prælium,



lium, non nisi Alexandrum sefforem admisit, cui operam mirè fidelem semper commodavit, in pugna præsertim cum Poro Indorum Rege inita, ubi pluribus confossus vulneribus, Alexandrum, præsentì periculo ex acie subductum, in tuto collocavit, ac tum demum vitam positurus procubuit.

§. 2.

De rebus ab Alexandro M. gestis post aditam regni possessionem.

1. *Quæ facta Alexandri memorabiliora in Græcia ante bellum Persicum?*

Anno ætatis vigesimo regni gubernaculis admotus, mox Græcos nominis sui terrore ita complevit, ut omnes eidem se submiserint, exercitusque adversus Persas imperatorem, uti antea Philippum, designarint, solis Lacedæmoniiis refragantibus, quos idcirco semper in hostium numero habuit. Inde compluribus populis, vi armorum subactis, Thebanos, quod defecissent & ipsi, & totam Græciam ad defectionem sollicitassent, acie vicit, urbem eorum cepit, incenditque, ac triginta millia servituti addicta, venum exposuit. Aristoteli porro hortanti, animo bellandi avido usque eò imperaret, dum firmiore esset corporis robore, respondit, timendum omnino esse, nè hujusmodi procrastinatione tempus & occasio opportunissima è manibus dimittatur. Igitur e-

exercitum in Asiam trajecit, obfirmato profero  
 animo, eam universam sub imperium suum  
 redigendi.

2. *Quo successu Alexander bellum gessit Persicum?*

Alio profusus, atque Darius sibi persvaserat.  
 Hic enim Alexandrum velut juvenem insolentem ac temerarium despiciatui habuit, utpote  
 qui tantillo, quadraginta forsan millium, exercitu instructus, in regnum tam vastum ac prepotens, quale Persia esset, invadere non dubitaret.

3. *Ubinam Alexander cum Darii ducibus primum conflavit?*

Ad Granicum amnem, ubi cum sexcentis Persarum millibus congressus, ingentem edidit hostium stragem, non sine periculo tamen. Quippe singulari certamine cum Darii genero dimicans, hunc quidem peremit; at eodē tempore à Rhosace Persa fatalem ictum vibrante, haud dubie occisus fuisset, nisi Clitus, è ducibus unus, interempto ocyùs percussore, Regē presenti periculo eripuisset.

4. *Quando et ubi altera commissa est pugna?*

Anno sequenti ad Issum Ciliciz urbem, ubi Darius centum & decem millibus cum pretiosissima suppellectili desideratis, matrem insuper, & conjugem, liberosque captos in victoris arbitratum dedere coactus est. Plurimæ exinde urbes, regionesque Alexandri fidei se permisere.

tere, quas inter Sidon, ubi Abdalonymus ex  
horto, quem excellendam suscepit, in regium  
fastigium est evectus.

5. *Num & urbs Tyrus Alexandri imperium  
accepit?*

Sola hæc victricibus ejus armis sese oppone-  
re ausa, post operosissimam septem mensium  
obsidionem vi tandem atque impetu capta di-  
repta, atque in cineres redacta est. Et erat sa-  
nè res admiratione dignissima, quòd Alexan-  
der fretum præaltum, ac septingentos passus  
latum, urbem, inter & continentem interja-  
cens, labore incredibili opplendum, jactoque  
aggere, militem urbi admovendum curavit?

6. *Quo in Judæos animo fuit?*

Hos pariter in ordinem redigere statuit, quòd  
postulata subsidia denegassent. At secus omni-  
no post ejus Hierosolymam adventum res ce-  
cidit. Vix enim ante urbis portam Jaddum  
summum Sacerdotem, cum Levitis sibi occur-  
rentem, conspexit, tótus repente in alium,  
DEO sic disponente, mutatus, summo in hono-  
re Pontificem habuit, & postquam vero dein  
Numini in templo litavit, Judæos amicitix fœ-  
dere sibi junxit.

7. *Quas pacis condiciones Darius  
Alexandro tulit?*

Huic filiarum unam in uxorem regni que di-  
midium in dotem obtulit. Verùm Alexander  
ad pa-

ad pacis condiciones ut descenderet, induci  
haud potuit, caesus, nec eolum duos soles,  
nec Asiam duos supremos capere dominos.

8. *Ubinam tertia pugna decretoria est commissa?*

Ad Arbela Assyriae oppidum, ubi Darius, li-  
cèt decies centena bellatorum millia in aciem  
eduxerit, ingenti denuò clade accepta, in fu-  
gam coniectus est.

9. *Quam mortem oppetiit Darius?*

Hunc Bessus satrapa, aureis compedibus vin-  
ctum, in sordidum vehiculum, pellibus, undi-  
que contextum imposuit, ubi multis postea  
vulneribus confossus miserè periit.

10. *Quid ad hæc Alexander?*

Mortem tam indignam peracerbè tulit, me-  
ritasque de Besso parricida expetiit pœnas.  
Corpus porrò exanime matri Darii misit, regio  
apparatu sepeliendum. Inde Monarchiæ to-  
tius possessione adita, Asia universâ solus po-  
tiri cœpit.

§. 3.

De Alexandri M. rebus gestis. post stabili-  
tam Monarchiam.

1. *Qualis Alexander post vindicatâ Monarchiâ*

Cum veste Persica mores quoque barbaros in-  
duit. Præcipuè verò ebrietate, iracundiâ, &  
crudelitate pristinum nominis sui splendorem  
haud parùm obscuravit.

2. *Quæ*

2. *Qua ejus facinorà vituperabilia?*

1. Persepolin regiam longè magnificentissimam ebrius, ab ebrio scorto impulsus, subditis ipse facibus, in cineres redegit. Cujus rei die postero seria, sed sera nimis pœnitentia subiit Regem.

2. Clitum, amicorum fidelissimum, deque se optimè meritum, utpote à quo primo in prælio morti creptus fuerat, temulento & irâ percitus inter epulas occidit, quod Regi insolentiùs se jactanti obstrepere sit ausus.

3. Callisthenem Philosophum crudeliter tortum, naso & auribus abscissis, in ferrea cavea per ludibrium circumduci jussit, quod nimiam ei arrogantiam, qua divinos adeò honores sibi deferendos curavit, exprobrasset.

3. *Quem finem vivendi fecit Alexander?*

Postquam Hephæstion Ecbatanis ex crapula obiit, Alexander quoque Babylone potu nimio vitam suffocavit. Fortè inter epulas, quas sumptu maximo persæpe adornabat, cum famoso potore poculis tamdiu decertabat, donec vehementibus stomachi doloribus ac febris correptus decubuit. Cùmque calores internos affuso largiter mero restinctum iret, in phrenesin incidit, pauloque post anno ætatis tricesimo tertio, Mundi 3730. è rebus humanis excessit. Sunt, qui Alexandrum veneno sublatum existiment. Atque ita in ætatis flore morte im-

provisit

provisa extinctus est, qui paulò antè orbem  
propè universū perterrefecerat: quòdque lon-  
gè probrosissimum, hic talis tantusque orbis  
terrarum domitor, vitio, quod in mediastinum  
potiùs, quàm in Principem cadere solet, tur-  
pissimè succubuit.

### C A P U T III.

#### De statu Monarchiæ Græcæ post Alexandri M. obitum.

Alexander solus & unicus erat, qui Monar-  
chiam Græcam, eamque haud ampliùs sex an-  
nis, tenuit indivisam. Inde stirps ejus intra  
annos duodecim funditus excisa; Monarchia  
verò in partes quatuor, totidemque regna; Ma-  
cedonicum nempe, Asiaticum, Siriacum, &  
Ægyptiacum distracta est. Regia porrò insi-  
gnia sibi vindicârunt ii ipsi, qui vivente Ale-  
xandro rem militarè, eoque mortuo provincias  
potestate vicaria administrandas susceperunt.

§. I.

#### De Regno Macedonia.

1. *Quamdiu regnum hoc porrò steterat?*  
Annos ferme 157. Regibus septendecim Ale-  
xandro succedentibus. Primus erat Antipater.  
penultimus verò Philippus, qui licèt ob initium  
cum Carthaginensibus contra Romanos foedus  
duriùs ab his haberetur, regno tamen depul-  
sus non est.

2. *Quanti-*

1. *Quando regnum hoc in Provincia formam redactum est?*

Perseus Macedoniae Regum ultimus instaurator cum Carthaginiensibus adversus Romanos foedere, captus ab his, Romanque abductus biennio post obiit Macedoniae regno Romanis exinde Provinciae adjecto A. 3887.

§. 2.

De Regno Asiae.

1. *Quo tunc statu res Asiae minoris fuerant?*

Regnum hoc Antigonus obtinuit; quod tamen ultra annos sex & triginta haud steterat, regnoque Syriae aliquamdiu adjunctum, in quatuor tandem regna minora. Ponticum nempe, Pergamenum, Armenium & Parthicum dividebatur.

2. *Quinam tandem regnis hisce potiti sunt?*

Omnia, postremo excepto, Romani ante Christi ortum in ditionem suam redege're. Ac Ponticum quidem sub Mithridate, Pergamenum sub Attalo, Armenium verò sub Tigrane, qui ultimùm omnes regnaverant, occuparunt. Regnum porò Parthicum, ante Christum natum non subegere.

§. 3.

De Regno Syriae.

1. *Quis regni hujus status tunc erat?*

Ducentis & undequingaginta annis Reges duo

duo & viginti rerum potiebantur. Primus  
 erat Seleucus. Antiochus porro Epiphanes,  
 tyrannus illæ sævissimus, Judæos vehementer,  
 afflixit, qui & Machabæos exquisitis suppliciis  
 excruciatos necari jussit.

2. *Quis ultimus Syria Rex erat?*

Tigranes, qui ab Romanis regno hoc, in Pro-  
 vinciam exinde redacto, pulsus, Armeniã ta-  
 men, alterum suum regnum, quoad in vivis  
 erat, retinuit.

§. 4.

### De Regno Ægypti.

1. *Quid de hoc summatum commemorandum?*

Regnum hoc Moyſis jam temporibus Reges  
 primùm obtinuerant, Pharaones omnes dicti,  
 Inde Persis, tum Græcis, ac tandem, postquam  
 Reges tredecim ab Alexandri obitu trecentis  
 propemodum annis imperaverant, Romanis  
 cessit. Fuit proinde Ægyptus extrema Græcæ  
 Monarchiæ pars, quæ omnium diuissimè te-  
 nuit. Primus Rex Ptolomæus Legides (hoc  
 est, filius Lagi) erat, à quo omnes deinceps Æ-  
 gypti Reges Ptolomæi sunt appellati.

2. *Quo præcipue monumento Ptolomæus Philadel-  
 phus gloriam sibi immortalẽ comparavit?*

Bibliothecã illã longè celeberrimã, septies  
 centena librorum millia complectente, quos  
 inter & Sacra Biblia, à duobus & septuaginta Ju-  
 dæis virtute & doctrinã præstantibus ex lingua  
 Hebra-



Hebraica in Græcam mirabili prorsus non sententiarum modò, sed & verborum consensione traducta, uti in Opusculo I. meminimus.

3. *Qua demum occasione Regnum hoc in Provinciam est redactum?*

Cleopatra, ultima Ægypti Regina, cum nõto suo marito Antonio acie victa. ne in triumpho duceretur, vel hausto veneno, vel, ut alii perhibent, aspidis pectori admotæ, morsu interiit. Atque ita Ægypto ab Romanis occupata, Græcorum Monarchia, cum annos stetit trecentos, penitus collapsa est A. 4024.

Observationes.

De Monarchia Græcorum.

1. *Cur Monarchia Græca in Nabuchodonosoris statua ventre aëreo, representata est?*

Quemadmodum metallum hoc duritie ac soliditate aurum & argentum vincit; ita Alexander, Monarchiæ Græcæ conditor, & sua, & militum suorum fortitudine planè invicta Asiam universam perdomuit. Accedit, quod non perinde atque aurum & argentum fulgeat. Pari ratione Alexander factis fortibus excellere maluit, quàm inani splendore mortalium oculos perstringere &c.

2. *Cur olim Græcia tot tantisque viris, belli usu, omnique eruditione præstantibus abundavit?*

Disciplinæ severioris, legumque sapientissimarum fructus hic erat.

3. *Quid*

3. *Quid est, quòd Alexander manu tam parva numerosissimas Darii copias profligavit?*

Macedones viri erant ferrei propè pectoris & animi, re militari à teneris subacti, duratique: Persæ verò molles, effœminati, deliciisq; innutriti.

4. *Quem in finem ludi Olympici celebrabantur?*

Ut hisce præludiis juventus Græca ad omnis generis exercitationes bellicas afflueret ac duraretur.

5. *Quid Alexandrum ad Monarchiam Persicam armis subigendam adegit?*

Insatiabilis eminendi cupiditas, qua ingens ejus animus continuò flagrabat.

6. *Cur Alexander devictâ Asiâ tantopere à se ipse degeneravit?*

Id otio & luxuriæ, Rerumpublicarum pesti exitiosissimæ erat potissimùm adscribendum.

7. *Cur Monarchia Græca mox ab Alexandri obitu divisa fuit, & distracta?*

Quòd nemo quisquam, Alexandro par, supererat, qui Imperium tam vastum animi sui amplitudine capere, sartumque posset ac tectum conservare.

8. *Numne Alexander, in supremo licèt felicitatis fastigio locatus, verè beatus esse dicique potuit?*

Haudquaquam; quod enim operosè admodum ac difficulter obtineri, servarique potest, quòd-  
que

que tam brevi durat tempore, animum bene constitutum explere satiareque haud potest.

9. *Quo pacto DEUS hac ipsa Monarchia in populi sui electi emolumentum est usus?*

Puillum hunc gregem ab immensa propè Græcorum potentia mirificè tutabatur; tamen à Syriæ tyrannis eum premi aliquamdiu, idque haud exiguo ejusdē emolumento, minime verò opprimi sit passus. Atque ita jam tunc præsignificatum est, DEUM futuris quoque temporibus Ecclesiam suam paternè semper mirificèque protectum.

10. *Quid porro ex historia hac discimus?*

Quàm inanis & fluxa sit omnis utut ad culmen pervenerit, humana potentia, & magnificentia, quæ in & cum Alexandro tam citò subitoque rursus evanuit.

## P A R S IV.

### De Monarchia Romana.

Pars hæc ob rerum copiam in duas porro dividenda est sectiones. In priore agemus de rebus Romanorū memorabilioribus ante Monarchiam; in posteriore verò de Monarchis sive Imperatoribus Romanis usque ad Constantinum Magnum.

D

Se-

## Sectio I.

De rebus Romanorum memorabilioribus  
ante Monarchiam.

Hic memorandum 1. de Italiae statu ante  
Urbem conditam. 2. De statu Romanorū post  
Urbem conditam sub Regibus. 3. De rebus  
Romanorum sub Consulibus.

### C A P U T I.

De Italiae statu ante Urbem conditam,

1. *Quis Italiae status sub primis ejusdem  
Regibus?*

Hac de re nihil fere cognitum & compertū  
habemus, cū pleraque omnia figmentis sint  
conspersa. Ad Romulum usque unus & vi-  
ginti Reges, atque ex his omnium primus re-  
gnasse fertur Janus. Hic postmodum in nu-  
mero Deorum repositus, gemina facie pingebatur.  
Alterā, eaque juvenili, Regis hujus in  
posterum providentia, senili altera rerum præ-  
teritarum usus atque experientia denotabatur.  
Ejus postea honoribus Romæ templum Pacis  
excitatum est, quod tempore belli patebat, pa-  
cis verò tempore occludebatur.

2. *Quæ rerum in Italia conversio post  
excisam Trojam?*

Æneas Princeps Trojanus anno ab orbis  
condito. 2871. cum filio suo Ascanio in Itali-  
delatus,

elatus, Laviniam, Latini Regis filiam, uxorem duxit, soceroque demortuo, Latinorum regnum jure hæreditario obtinuit.

3. *Quid de Proca, ejusque filiis Numitore & Amulio commemorandum?*

Percupiebat Procas, ut gemini hi filii post mortem suam regnum inter sese dividerent. At Amulis id sibi totum vindicatum erat. Pulso igitur Numitore fratre, hujusque filio intercepto, Iliam sive Rheam Sylviam, Numitoris filiam, in Vestalium Virginum cætum computandam curavit, ut sic metu fraternæ sobolis liber, regnum solus possideret.

4. *Num votorum metam attigit?*

Neutiquam; nam Rhea Sylvia haud multo post Romulum ac Remum uno eodemque exita est partu, quos Amulius confestim Tiberi submergi jussit. Verum aqua tunc restans gemellos hosce ripæ applicuit, ubi lux, ut ferunt, seu potius mulierculæ, quam pastores ob profanatum pudorem *Lupam* vocabant, lacte enutriti, indeque à Faustulo pastore educati fuere.

5. *Quæ porro fors utrique obvenit?*

Cùm ambo adolevissent, atque ab educatore suo cùm de generis claritate, tum de Amulii sævitia edocti fuissent, coacta pastorum & convenarum manu, Amulium adorti, suænet in regia contrucidant, avumque Numitorem in

rem in regnum restitunt. Hic grati animi ergo copiam iis dat urbis ædificandæ. Qua illi potestate usi urbem Romam condunt sub annum mundi. 3301.

## C A P U T II.

De statu Romanorum post Urbem conditam sub Regibus.

§. I.

Romulus & Remus.

1. *Quid de Romulo primo Romanorum Rege proditum est memoria?*

Hic Urbem reapse condidit, suoque de nomine Romam appellavit; nam Remum in ipso propemodum operis hujus exorsu de medio sustulit, quod depressiora novæ urbis mœnia, quasi fratri insultaturus, transfiliisset. Urbem ut frequentaret, convenis receptaculum, variorumque scelerum reis asylum aperuit. Vicinis porrò connubia novo populo præcisè negantibus, Romulus occasione ludorum Romæ celebrandorū, Sabinas, aliasque virgines, quas spectandi cupiditas illuc pellexerat, rapi jubet.

2. *Quis rei tam insolentis exitus?*

Grave Romanos inter ac Sabinos coortum est bellum, quod tamen haud diu tenuit, ipsisque raptæ fuerant, Sabinis se interponentibus, palamque profitentibus, ab Romanis maritis se nunquam discessuras. Quapropter Sabin

cum

cum Romanis pacem & amicitiam perpetuā  
juxtare.

1. *Quam reipublica formam induxit Romulus?*

Populus in tribus suas divisit, quarum singulis singuli tribuni præerant. Centum quoque Senatores legit, quorum consilio in administranda republica uteretur. Hi ab honore atque ætate *Patres, patrumque* progenies eorum appellati. Ob nimiam severitatem clam de medio, ut ajunt, sublatus est. A. 3338. indeque in deorum numerum relatus, Quirini nomine coli cepit.

§. 2.

Numa Pompilius, & Tullus Hostilius.

1. *Qua laude Numa Pompilius secundus Romanorum Rex magistratum gessit?*

Hic ortu Sabinus, sacra ritè procuravit, flamineque instituit, ac præter alia templum Janni exstruxit, variis ritibus, qui ad Deorum cultum pertinent, adjectis. Annum in menses duodenos, cum prius nonnisi denis constaret, divisit, atque ita Republicâ sapientissimè ordinatâ, in commune mirificè profuit.

2. *Qualis Tullus Hostilius, tertius Romanorum Rex?*

Populum Romanum, otio, pacisque artibus sub Numa assuetum, ad belli studia revocavit, bellumque non unum prosperè confecit. Eo

regnante, Horatii trigemini fratres Romani, cum Curiatis, trigeminis itidem fratribus Albanis congressi bellum diremère. Primo mox impetu duo Horatii occubère. Tertius porò superstes tribus Curiatis singulatim peremptis, palmam obtinuit. Regnârat Tullus usque ad annum 3414.

§. 3.

Ancus Martius, & Tarquinius Priscus.

1. *Quis quartus Romanorum Rex?*

Ancus Martius, qui Urbem amplificavit, novisque cinxit mœnibus, atque Ostiam urbem ad Tiberis ostium condidit. Imperavit usque ad annum 3438.

2. *Quis Anco Martio successit?*

Tarquinius Priscus, qui Corintho Græciæ urbe oriundus, Romæ domicilium fixit. Hunc ob insignem prudentiam Ancus Martius geminis suis filiis tutorem instituit. Quo munere ea fungebatur dexteritate, ut ipsum tandem regnum obtinuerit. Regionum porò insignium usum, pluraque hujusmodi Romam invexit. Regnavit usque ad annum 3476.

§. 4.

Servius Tullius, & Tarquinius Superbus.

1. *Quæ Servii Tullii, sexti Romanorum Regis gubernandi ratio?*

Perquàm laudabilis; nam & Urbis pomeria denuò protulit, & Rempublicam accuratâ rexit di-



cit disciplinâ, occisus tandem à Tarquinio ge-  
nero A. 3520.

2. *Quis septimus ac postremus Romanorum Rex?*  
Tarquinius ob animi elationem *Superbus* di-  
ctus, homo ferox & truculentus. Hic tanto,  
quo regnabat tempore, si Capitolium Romæ  
exstructum excipias, vix quidquam laude di-  
gnum gessit?

3. *Quo pacto Gabios, Volscorum urbem in  
potestatem suam redegit?*

Fraude ac dolo Sexti, filii sui. Hic cùm Ga-  
bios, patris quasi sævitiam declinaturus, cum  
amicorum fidissimis transfugisset, indeque su-  
orum quempiam Romam sciscitatum ad patrē  
misisset, is responsi loco in horto summa papa-  
verum capita decussit, hoc facto innuens, pri-  
moribus quisbuque urbis Gabiorū capita simi-  
liter demetenda esse.

4. *Cur Tarquinius cum universa familia in  
exilium est ejectus?*

Cùm ob sua, tum ob suorum, Sexti præcipuè,  
Lucretiam matronarum castissimam violantis,  
flagitia, quæ Tarquiniolorum nomen tam invi-  
sum omnibus, odiosumque reddidère, ut Ro-  
mani regis deinceps dominationis jugum pe-  
nitūs excusserint. Quocirca gemini mox con-  
sules, qui Rempublicam administrarent, lecti  
fuère A. 3545.

## C A P U T III.

### De Rebus gestis Romanorum sub Consulibus.

Hic agendum 1. generatim de novi regimi-  
nis forma post abolutum regiũ nomen. 2. De  
rebus gestis Romanorum ante bellum Puni-  
cum. 3. De triplici bello Punico. 4. De bel-  
lis externis post eversam Carthaginem. 5. De  
bellis intestinis ante fundatam Monarchiam.

#### §. I.

De novi regiminis forma post abolutum  
regium nomen.

1. *Quis Romanam rexit Rempublicam  
post Reges exactos?*

1. Bini quotannis Consules creabantur, quo-  
rum potestas amplissima ac penè regia, sed u-  
nius duntaxat anni spatio circumscripta erat.  
2. His dein tribuni plebis, populi postulatu,  
adjungebantur, qui plebeios à Patritiorum po-  
tentia, injuriisque vindicarent. 3. Inde in va-  
lescente sensim plebeiorum potentia, amotis  
ab Officio Consulibus. Decemviri surrogaban-  
tur, donec paucis post annis res ad Consules  
reiiit. 4. Postea ob immodicam plebis liber-  
tatem ac licentiam modò Tribuni militares,  
modò Consules magistratum alternatim gere-  
bant, quoad tandem inter omnes convenit, ut  
alter Consulum deligeretur è plebe, quæ hu-  
jusmodi

usmodi electionem diu multumque urgebat. Atque hæc regiminis forma usque ad Monarchicum Cæsarum imperium tenuit.

2. *Ecquodnam Dictatoris erat officium?*

Creari hic, periclitante Republica, solebat, cui summa, regiaque, at nonnisi semestris potestas erat. Inde magistratu abiens, eorum, quæ gessit, rationem reddere debuerat. Post Reges exactos usque dum Cæsares rerum sunt potiti, Romani perpetua, eaque prosperis ut plurimum, auspiciis, bella gessere.

§. 2.

De rebus gestis Romanorum ante bellum Punicum.

1. *Quid de his summatim memorandum?*

Intra annos quingentos usque ad belli Punicum initium Romani Italiam universam armis subegere, sicque imperii sui, antea perangusti, fines magnopere prorogârunt. Inde complura, eaque sanguivolenta exorta sunt bella, è quibus septem duntaxat commemorabimus, nempe. 1. Hetruscum. 2. Vejens, 3. Faliscum. 4. Gallicum. 5. Samniticum. 6. Latinum. 7. Tarentinum.

2. *Quæ belli adversus Hetruscos suscepti origo?*

Tarquinius, Româ ejecti, Porsenæ, Hetruscorum Regis auxilium imploraverant, hujus ut ope in regni possessionem restituerentur. Condidit operam Porsena, sed eximia prorsus Honorati

rati Coclitis, & Mutii Scevolæ virtute ab incepto de filtere coactus est.

3. *Quis Horatius Cocles?*

Nobilis Romanus, qui hostium, urbi imminentium, impetum, in sublicio Tiberis ponte dimicans, tamdiu sustinuit solus, dum pons à tergo solveretur. Inde in aquas desiliens, ad suos tranavit incolumis.

4. *Quis Mutius Scevola?*

Nobilis pariter Romanus, qui personato habitu in Porsenæ castra se contulit, Regem occisurus. Sed per errorem unum de Regis administris, quem ex nitidioris corporis cultu Regem esse conjectaverat interemit. Hoc cognito errore, quasi supplicium de aberrante dextra sumpturus, hanc foculo injectam adurit, Regique denuntiat, trecentos juventutis Romanæ principes in ejus caput conjurasse, qui errorem, à se commissum propediem correcturi essent. Hoc sermone, animoque tam intrepido Porsena totus consternatus, Mutio libertatem, Romanis verò pacem ultrò obtulit A. 3547.

*Qua Fabiorum in bello Vejente fortuna?*

Bellum hoc soli Fabii, gens Romanorum nobilissima, conficiendum suscepere. Sex igitur supra trecentos cum magna clientum turba hostem adorti, iteratis hunc velitationibus vincunt, quoad tandem in insidias pertracti, ad unum omnes cecidere, unico, qui per ætatē armis

mis necdū idoneus erat, in Urbe relicto A. 3579.

6. *Quid in bello, contra Faliscos suscepto, memoratu dignum?*

Falerios, Faliscorum metropolim, cū ob-  
sedisset Camillus, Ludimagister cum nobilio-  
ribus pueris deambulationis obtentu urbe e-  
gressus ad hostem universos abduxit, ut obsessi  
ad pignus longè carissimū redimendum dede-  
re se cogerentur. Nec exiguam idcirco gra-  
tiam à Camillo initurum se speraverat. At hic  
detestatus perfidiam pueros singulos virgis in-  
structos, proditorem, nudatū, vinctumque cæ-  
dere & in urbem iussit reducere. Quo facino-  
re planè egregio oppidanorum animos tanto-  
pere sibi devinxit, ut summa omnes volunta-  
tate eidem se permiserint A. 3660.

7. *Quis exitus belli Gallic?*

Galli ingenti cum exercitu Italiam ingres-  
si, direpta incensaque Urbe, Capitolium obse-  
derant. Jamque in muros actu evasere, cū  
insolito anserum clangore excitatus Marcus  
Manlius, arcis præfectus, hostem deturbat.  
Ex quo tempore in Capitolio anseres magno  
in honore sunt habiti. Tandem Manlio cum  
Gallis convenerat, ut hi acceptis mille auri li-  
bris, obsidionem solverent. Verūm dum non  
sine altercatione aurum expenditur, Camillus  
Dictator tumultuario cum exercitu supeveni-  
ens, Gallos ex improvise adurit, Romani-  
que territorii finibus exterminatos præda o-

anni exiit. Sæpius quidem belli exinde fortunam tentârunt Galli, sed magna semper strage fusi fugat que fuere.

8. *Quodnam sub hæc tempora virtutis specimen edidit Curtius, nobilis Eques?*

Grassante per Urbem pestilentia, terraque medio in foro inter undantes fumi, flammarumque globos immensum dehiscente, ex oraculo cognitum est, ad calamitatem hanc depellendam in hiatum injiciendum esse id, quo Romani plurimum possunt. Curtius, reputans secum, nil quidquam esse animo generoso potentius, pretiosa veste, armisque indutus, equum conscendit, seque in fori hiatum ultro præcipitem dedit A. 3692. ex quo tempore pestilentia cæpit remittere.

9. *Quibusnam auspiciis Romani cum Samnitibus bellârunt?*

Diu multumque Romanis conitendum erat, ut armis tandem subigerent Samnites, à quibus in ultimas adducti sunt angustias ad Caudium oppidum, ubi circumcirca obsessi, inermes ac seminudi ignominia causâ sub jugo (tribus nempe hastis, humi fixis duabus, superque eas transversâ unâ deligatâ) transire cogebantur. Quam ignominiam Romani penâ talionis, ac demum internecina Samnitum excisione sunt uli A. 3782.

10. *Quid in bello cum Latinis gesto memorabile?*

Hoc in

Hoc in bello Manlius Torquatus, Romani exercitus dux, filium, quod contra, atque in mandatis habebat, cum hoste congredi ausus esset, capite plecti iussit, quamvis gloriosus ex acie victor redierit A. 3715.

Sub finem bellè omnino, feliciterque cessit Romanis, quorum classem Tarentini piratarum more invaserant, missosque, qui de injuria conquererentur, legatos ignominiam insuper affecerant. Quapropter bellum iis illatum est. Primo mox prælio victi, à Pyrrho Epirotarum Rege suppetias flagitant, qui elephantorum, ad id usque temporis in Italia nunquam visorum conspectu Romanos oppidè consternatos, devicit quidem, sed tanto & suo, & suorum dispendio, ut palam sit fassus, hujusmodi victoriam suis se hostibus exoptare. Cæteris in præliis omnino succubuit; unde post annos sex non invitus in patriam remigravit, Tarentinis in Romanorum exinde potestatem redactis.

§. 3.

De triplici bello Punico.

1. *Quæ primi belli Punico semina?*

Carthaginenses, Africæ populus, etiam Pœnicorumque regio terra Punicæ vocabatur, Unde bellum hoc Punicum appellabant Romani. Horum prosperas admodum expeditiones, in Italia susceptas, iniquo dudum animo ferebat Cartha-

Carthago, celebris olim urbs. Cumque haud ex vano metueret, ne Romanorum potentia nimium quantum auferret, animum iaduxit, bello eosdem laeffere. Cujus rei peropportuna brevi occasio est oblata. Cùm enim & Romani & Pœni Siciliam sibi vindicatum irent, ad arma utrinque conclamatum est.

2. *Quis belli hujus exitus?*

Tribus & viginti annis, quibus bellum hoc tenuit, terra matique acerrimè dimicatum est, victoribus ut plurimùm Romanis. Unde perentibus Carthaginensibus pax tandem data est his conditionibus, Siciliã ut omnes excederent, grandemque pecuniã summam Romanis penderent A. 3812.

3. *Qua secundi belli Punici origo?*

Hannibal Carthaginensium dux longè celebratissimus Saguntum Hispaniã urbem aetã undique obsidione presserat. Cùm igitur Saguntini fœdere juncti essent Romanis, hi ad eorũ partes suscipiendas astringebantur.

4. *Quid de Hannibale memorie proditum est?*

Hic novem haud ampliùs annos natus jurejurando ad aras sese obstrinxerat, perpetuum nomini Romano inimicum se fore. Ut primùm igitur adoleverat, Pœnorũ exercitũ per Alpes in Italiam traduxit, ubi quaternis mox præliis vicit Romanos, quorum ampliùs quadraginta millia in ultimo prælio, ad Cannas



commissō, occubuere, Nobiliumque multitu-  
do tanta, ut annulorum aureorum modii com-  
plures sint collecti, quos Hannibal Carthagi-  
nem misit.

5. *Quid ad hac Romani?*

Tantæ cladis nuntio summopere omnes con-  
sternati fuere; actumque erat de Urbe, si uti  
novisset victoria Hannibal, nec spatiū sese col-  
ligendi indulgisset Romanis, è quibus Fabius Ma-  
ximus cunctando ( unde & *Cunctator* dictus )  
Hannibalē tamdiu moratus est, dum Romani,  
instauratis virib9, hosti repellendo pares essent.

6. *Quibus porro auspiciis bellarunt Romani?*

Hannibal longiorem in Italia moram pertæ-  
sus, novas Carthagine suppetias accersiverat,  
Jamque Asdrubal Hannibalis frater octoginta  
millia adduxerat, cū ab Romanis ex improvi-  
so est interclusus ac profligatus, antequam su-  
as cum fratris copiis conjungeret. Hannibal  
exinde Africam repetiit, quem Scipio, à perdo-  
mita Africa *Africanus* dictus, tanta affecit cla-  
de, ut Carthago pacem petere coacta fuerit,  
quam his obtinuit conditionibus, nullum ut  
bellum insciā & inconsultā Romā deinceps  
susciperet, navesque omnes, triginta exceptis,  
exarmaret A. 3852.

7. *Num confecto hoc bello Punico pax & otium  
fuit Romanis?*

Coortum exinde est bellum Macedonicū &  
Aga-

Asiaticum victoribus utrobique Romanis, qui regno Macedonico & Syriaco sunt potiti.

8. *Quæ tertii belli Punicæ origo?*

Pœni post quinquaginta annorū pacem Massinissæ Numidarū Regi, Senatūs Populique Romani injussu, contra ac pacti olim fuerant; arma intulere, quos proinde, tanquam foedifragos, bello persequi statuerant Romani. Ex his Cato Carthaginē, tot turbarum seminarium, solo æquandam censebat. At Scipio nimiam ejusdem potentiam infringendam quidem, at non penitus opprimendam esse autumabat, ut Romani armis identidem exercerentur; secus enim verendū, ne otium, omni bello perniciosius, Romæ invalesceret.

9. *Utrā sententia præponderabat?*

Decreta est Carthaginis obsidio, Scipione ductore, postquā oblatas pacis conditiones rejecerant Pœni. Quatuor annis obsidio tenuit, obsessis extrema quæque tentantibus. Cumque ferrum deficeret, quidquid auri argenti que in urbe exstabat, ad arma procedenda insumebatur. Ex lignis dirutatum ædium navæ bellicæ, atque ex ipsis adeo mulierum crinibus machinarum funes texebantur.

10. *Quis obsidionis, bellicæ hujus exitus?*

Carthago vi tandem capta, atque ab ipsi civibus exusta est, incendio diebus septemdecim grassante. Inde bello huic finis impositus, &

Africa

Africa in Provinciæ formâ redacta est A. 308.

§. 4.

De bellis Romanorum externis post  
eversam Carthaginem.

Per singulas Orbis tunc cogniti partes, Euro-  
pam nempe, Asiâ & Africâ Romani bella exin-  
de gessêre, uti ex jam dicendis perspicuû fiet.

1. *Quæ Romanorum expeditiones in Eu-  
ropa, confecto bello Punico?*

A bello hoc usque ad Imperii Romani exor-  
dium anni fluxêre centum. Interea temporis  
Romani Hispaniam universam armis subegêre,  
postquam Numantiâ urbem annis quatuorde-  
cim à quinquaginta armatorû millibus obse-  
sam in eas compulêre angustias, ut oppidani,  
rebus jam desperatis se ipsos, urbemque igne  
ac ferro absumpserint. Julius Cæsar vi armorû  
Galliam in Provinciæ formâ redegit. Britan-  
niæ annum vectigal imperatum.

Cimbri, sive Dani hodierni, postquam Roma-  
nos quaternis præliis fudêre, tandê cum Ger-  
manis fæderatis ad Aquas Sextias, Provinciæ  
urbem, ingenti clade accepta, profligati sunt,  
cæsis millibus ducentis, captisque cum Rege  
Teutobocho nonaginta millibus. Cæsar porro  
Germanorû Regem Ariovistû è Gallia extermi-  
navit, cruentoque fulum prælio trans Rhænû  
repulit.

2. *Quibus regnis in Asia potiti sunt Romani?*

E

1. Re-

1. Regno Pergami, quod Attalus Rex ultimus Romanis cum ingentibus divitiis legavit. 2. Regno Armenia sub Tigrane. 3. Regno Pontico sub Mithridate, duarum & viginti linguarum notitiâ, bellicaque virtute claro, quicquid Romani diu multumque conflictabantur. Hic ne in hostium manus incideret, cum vitam veneno abrumpere frustra tentasset, ferro se ipse confodit. 4. Fœdus cum Judæis inierant primum, eosque ab hostibus tutabantur; dein verò & hos sub jugum misere.

3. *Quid in Africa Romani gesserunt?*

Jugurthæ Numidarum Regi intruso bellum indixere quod inertia perfidiaque ducum largitionibus corruptorum in plures annos præter spem & expectationem protractum est, donec tandem captus Jugurtha, & Romæ in triumpho est ductus. Regnum porro Ægypti post Cleopatrz mortem Romanis cessisse supra memoravimus.

§. 5.

De bellis Romanorum intestinis ante fundatam Monarchiam.

Postquam sub Consulibus Romana potentia supremum felicitatis apicem attigerat, turbæ ac discordiæ intestinæ, quæ multo sanguine steterant, coortæ, exque. 1. Populum inter ac Senatum. 2. Inter ipsosmet Senatores.

1. *Quæ bella Populus cum Senatu gessit?*

1. Leges

1. Leges quædam à Tribunis plebis in populi emolumentum latæ multis turbis ansam dederunt. Hujusmodi erat *lex agraria*, qua nobilibus non nisi determinata possidere jugera permixtum erat, agris reliquis inter cives distributis. Alia erat *lex frumentaria*, qua commune civitatis granarium construendum præcipiebatur, unde suum plebi demensum præberetur. *Lege judiciali* cautum erat, ut ordo Equestris æque ac Senatorius iudicium exerceret, ac jus diceret. *Lege Civitatis* sociis quoque jus civitatis communicabatur: unde *bellum sociale* obortum, quo Romanorum socii jus civitatis sibi denegatum, armis extorquere conati sunt.

2. In Sicilia servi ob dominorum sævitiam jugo excusso, post plures clades Romanis illatas in ordinem tandem sunt redacti. Bellum isthoc quonia cum servis gerebatur, *servile* dictum est.

Spartacus porro, famosus ille gladiator, magno pariter servorum exercitu conflato, ingentes Romanis clades intulit, quoad tandem perduelles hi plerique omnes contrucidati fuerunt.

3. Catilina homo perditissimus, quod spe Consulatus decidisset, conjuratione cum ejusdem farinae sociis facta, Romam parabat incendere. Conspiratio hæc à Cicerone Consulatum tunc gerente, temporis patefacta & oppressa est. Catilina urbe ejectus, nec multo post cum tumultu suo exercitu cæsus, interiit A. 3991.

2. *Quæ bella inter Senatores exarsere?*

Trina: & primo quidem Sylla, Marius & Cinna; altero Crassus Pompejus, & Cæsar; tertio Lepidus, Antonius & Octavius implicabantur.

1. Marius ætatis prærogativâ, usuque belli præstans neutiquam committendū censuit, ut Syllæ bellū Ponticū mandaretur. Igitur rē eò deduxit, ut in Syllæ, ab Senatu exauctorati locum ipse surrogaretur. Ea re Sylla vehementer exacerbatus, mox Romam cum parte exercitûs advolat, pulsoque inde Mario, & Cinna in Consulem electo ipse Imperator, jam confirmatus, in Asiam contendit bellū Ponticū confecturus.

Vix Sylla discesserat, cùm Cinna, mutato consilio, Marii partes secutus, Syllæ sectatores omnes Urbe pellit, bonaque eorum diripit.

Quo comperto, Sylla ex Asia Romam præproperè accurrit, longeque plurimos adversæ factionis quâ capite, quâ exilio mulctat. Perpetuo dein dictator renuntiatus, dignitate hac tertio post anno sponte sua se abdicat. Inde uno haud amplius anno inter voluptatum illecebras exacto, morbo pediculari confectus interiit.

2. Crassum inter, Pompeium, & Cæsarem magna primùm animorū conjunctio erat & conspiratio. Nec multò post Crassus in bello Parthico occubuit, cujus ori ob inexplibilem auri sitim aurum liquatū hostes infudere. Inde Pompeius, ac Cæsar mutua æmulatione ducti,

de prin-

de principatu contendebant: unde exitiabile brevi exortū est bellū. Prior aleam jecit Cæsar Pompeium Italiâ expellendo. Ac ne belli nervus deesset, expilato Romæ ærario, auri argenteque vim maximam secū in Hispaniâ avexit, turbas, quas Pompeiani illic concitaverant, sedaturus. Ipsam dein Pompeium in Græcia bello persequens, in campis Pharsalicis prælio vicit, qui exinde in Ægyptum ex fuga profectus, sperati asyli loco mortem invenit.

Cæsar porro Asiæ Europæque rebus compositis, Romā triumphans ingreditur, perpetuusque Dictator designatus, summā rerū administrat solus. Quocirca à pluribus Scriptoribus primus Romanorū Imperator appellatur. Sed ejus Imperiū diuturnū haud fuit; quippe anno nondum exacto, à conjuratis tanquam avitæ libertatis everfor tribus ac viginti vulneribus in curia confossus est A. 4010. Erat Cæsar belli gloriâ & virtute longè celebratissim9, qui præliis quinquaginta varios hostes devicit. Avaritiâ tamen, ambitione & luxuriâ æternâ nomini suo notam inussit. In ejus honorem mensis Quintilis Julius est appellatus.

3. Octavius, Cæsaris & nepos & hæres, cum Lepido & Antonio iridem societatem coivit. Tres isti, Imperio Romano inter se diviso, Triumviri dicebantur. Novæ huic regiminis formæ Brutus, & Cassius acerrimi avitæ libertatis

vindices, vehementer adversabantur; sed irrito planè conatu. Quippe ambo in Macedonia cum omnibus suis copiis profligati, violentas sibi manus intulêre.

Sed & Lepidus Triumviratu non multò pôst abire, & ad Octavii, quicũ dissensio ipsi fuerat, arbitriũ se conformare cogebatur, cum nimis illius potentiz reprimendz par non esset.

Antonio porrò Octavius, subscribente Senatu, bellum indixit, quòd sorore sua Octavia repudiata, Cleopatram duxisset uxorem, deque Ægypto sibi vindicanda, accusatus fuisset. Hic ab Octavio ad Actium, Epiri promontorium, navali prælio victus, in Ægyptum profugit, ubi mortem sibi ipse conscivit.

Atque ita Octavius, Senatu Populoque Romano assentiente, Monarchiam Romanã solus obtinuit A. 4014. quo, Consulari, Reique publicæ regimine abolito, Monarchia Romana reapse exordium duxit.

## Observationes.

De historia Romana ante conditam Monarchiam.

1. *Cur Romanorũ Imperiũ in Nabuchodonosoris statua cruribus ferreis adumbrabatur?*

Quia, ut ferrum reliqua metalla omnia confringit atque comminuit, ita imperium Romanum cætera omnia regna fregit domuitque.

2. *Undenam*



2. Undenam tanta Romanorum felicitas?

Bonis hisce terrenis fluxisque DEUS cum alias eorum virtutes morales, tum maximè, justitiæ colendæ studium remunerari voluit; quandoquidem ob nefarium idolorum cultum, aliaque flagitia præmium æternum sperare haud poterant. Nec parum ad eam prosperitatem conferebat disciplina eorum politica.

3. Quæ Romanorum sacra, Religionisque?

Hac in re mirum quantum delirabant, Deastrorum gregem ingentem divinis aded honoribus cumulando. Nec res ulla tam fuit absurda, vis & sordida, cui non DEUM, aut Deam suam præstituebant.

4. Undenam in re tanti momenti tam enormis insania?

Romani cætera tam sapientes, temporis vitæque hujus prosperitatem. Reique cum publicæ tum familiaris ac domesticæ amplificati-  
onem mente perpetuè volutabant, ut proin-  
haud vacaret, de veri Numinis notitia cultu-  
que cogitare.

5. Cur Romani ante conditam Monarchiam tam paucos numerabant viros; eruditione præstantes?

Quia perpetuè ferme in armis erant: inter arma verò, ut leges, ita & Musæ silent.

6. An non Julius Caesar primus Romanorum Monarcha fuerat?

Erat reapse quidem; quocirca passim primus Romanorum Imperator dicitur. Quia tamen Populus Romanus inanem libertatis umbram etiam tum consecrabatur, nos unà cum aliis Augustum primum revera Imperatorē fuisse ea de causa existimamus, quòd hic Imperium Monarchicum, assipulante quoque Senatu Populoque Romano, primus sibi vindicavit.

## Sectio II.

De Monarchis sive Imperatoribus Romanis usque ad Constantinum M.

### C A P U T I.

Rom: Imperatores Sæculi I. à CHRISTO nato.

#### I. Augustus.

##### 1. *Quis primus Romanorum Monarcha?*

Augustus, qui post victoriam Actiacam orbis totius Imperio est potitus A. M. 4024. Animo erat excelso, benignus & humanus erga omnes. Viros doctos, quos inter Virgilius & Horatius, impensè amavit fovitque. Unde eo imperante, artes ingenuæ magnopere florere. Pater patriæ & Augustus jure merito appellatus est. Ad ejus nomen immortalitati consecrandum mensis, qui antea Sextilis, deinceps Augustus est appellatus.

##### 2. *Qualis*

2. *Qualis in Caracottam, insignem latroem, exstitit?*

Hujus caput multo ære licitatus est Augustus, cui is ipse latro sponte se stitit, planè & aperte confessus, suummet se caput asferre, partamque pro ejus traditione mercedem à regia generosaque licitatoris munificentia expectare. Hanc ei Augustus mox dependi iussit, quòd tantam in se fiduciam collocasset, vitæque insuper gratiam fecit.

3. *Quo freno còercuit iracundiam?*

Cùm ad hanc proclivior esset, Athenodori Philosophi hortatu, quoties ad iram concitabatur, Græcarum literarum elementa recensuit, hac ut mora æstus iracundiæ defervesceret. Unde factum, ut svaviter omnes, comiterque acciperet.

4. *Quamdiu, & qua laude imperavit?*

Annos quatuor & quadraginta magna prudentiæ commendatione Imperii Romani clavum tenuit, pace terra marique parta. Senatū juxta ac Populū partim metu continuit, partim beneficiâ & facilitate sibi conciliavit. Ac licèt prudentiâ usuque rerum omnibus longè præstaret; alios tamen ad consilium suum perlibenter admisit.

5. *Quæ ejus vitia?*

5. Incontinentiæ præcipuè labe virtutum suarum splendorem magnopere inobscuravit.

Pecuniæ

Pecuniarum quoque cupiditate laborasse inde convincitur, quod Licinium, qui Gallos iniquis exactionibus depeculatus est, non solum commérito supplicio non affecerit, sed laudibus insuper ac præmiis cumulavit, postquam peculator hic ad poenam evitandam asservavit, omnem illam pecuniam non sibi, sed Cæsari destinatum esse, & coacervatam. Nec parum à consuetudine animi firmitudine & gravitate descendit Augustus, quando intellecta legionum selectissimarum, quibus Varus in Germania præerat, clade, per menses aliquot totus confesternatus, caput interdum præ animi ægritudine ostio allisit, vociferans: *Quintili Vare, legiones redde.*

6. *Quo tempore CHRISTUS est natus?*

Anno Augusti Imperatoris tricesimo JESUS CHRISTUS, æternus DEI Filius, vindex parentisque libertatis nostræ, Bethlehemi à MARIA Virgine semper illibata in lucem editus est A. 4053. cum orbis universus pacis tranquillitate perfrueretur: qua ipsa die Augustus edicto vetuit, se Dominum appellari. Inde annos decem & quatuor Reipublicæ superstes, Nolæ, Campaniæ urbe, mortem oppetiit.

2. Tiberius.

1. *Quid de hoc memorandum?*

Erat Augusti privignus, à cujus tamen moribus omnino degeneraverat. Principia quidem e-

dem ejus imperii moderatiora fuere. Hinc cum  
 à Provinciarum præsidibus de augendis tribu-  
 tis admoneretur, rescripsit, *Boni Pastoris esse  
 tondere pecus, non deglubere.* Asylis templorū-  
 que perfugiis quibus plerique ad licentiam ab-  
 utebantur, modum præscripsit. Duodecim A-  
 siae urbibus, nocturno terræ motu collapsis,  
 ex ærario subvenit, & tributa in quinquenniū  
 remisit. Nec minùs erat liberalis in eos, quo-  
 rum ædes incendio absumptæ. Verùm haud  
 diu sibi constare potuit simulata virtus; nam  
 paulò post Tiberius in omnem scelerum, cru-  
 delitatis præcipuè, libidinis, & ebrietatis, li-  
 centiam se effudit.

2. *Quod ei ingenium?*

Multiplex & tortuosum. Simulandi, dissimu-  
 landique artem ita callebat, ejus ut animum ne  
 intimi quidem perspectum haberent. Cum æ-  
 ger animi esset, serenitatem vultu præferibat;  
 at cum mente esset tranquilla & hilari, tristis  
 omnino & conturbatus videbatur. Quos ode-  
 rat, blanditiis demulcebat; quos verò amave-  
 rat, horrendis quibusque modis exterruit. Un-  
 de nemo erat, qui non ab hoc Proteo vitæ suæ  
 timeret. Verbum incautiùs prolatum, vultus  
 minùs ei placens, accusatio quævis, & scelus  
 omne, à corycæis cuiquam afflictum capitale e-  
 rat: nec ulli delatorum aut calumniatorum fi-  
 des est abrogata. Quin ne intimis quidem ami-  
 eorum

corum parcitum est. Hos inter Sejanus erat, quem Tiberius ad summa prius euectum, dein repente ad ima deturbavit.

3. *Quo tempore CHRISTUS in Crucē est actus?*

Anno Tiberii Cæsaris undevicesimo, Hic jã antè ut perhibent, Christū, de cujus miraculis à Pilato certior est factus, Romæ in Deorum numerū referre animū indoxit. Obit communi omnium ordinū gratulatione anno ætatis octavo & septuagesimo, Imperii tertio & vigesimo, CHRISTI 37.

### 3. Caligula.

1. *Majorene hic laude gessit Rempublicam, quàm Tiberius ejus patruus?*

Imò hunc nequitiã & impietate longè superavit. Thesauros immensos ab eodem relictos brevi admodū tempore dilapidavit. Exhausto igitur atque egenus varias & insolitas prorsus cogendæ pecuniæ artes excogitavit. Utque alia prætereã, ægrotos ac moribundos vi adigit, suas ut opes sibi legarent. Si qui forte convaluissent, hos de medio tolli jussit, eorum ut bona sibi vindicaret.

2. *Quæ homo hic amentissimus extrema insania dedit specimina?*

Divinos sibi honores deferendos curavit. Deorum imaginibus capita demi, suumque in eorū locū substitui jussit. Equum, cui nomen *Incitatus*, mensæ suæ convivam adhibuit pabu-

t, pabulum aureis è lancibus carpentē. Quin  
& consulatū eidem destināse traditur. Palam  
conqueri solebat, nulla suis tēporibus incendia,  
nullam famem, pestilentiam, ac terræ motum  
existere.

3. *Qua quantaque ejus crudelitas?*

Satis ei non erat, homines usitatis vulgō sup-  
pliciis è medio sustulisse, sed lentis & exquisitis  
tormentis excarnificatos trucidari jussit, etiā  
atque etiam urgens tortorē. Ita fieri, ut mori se  
sentiat. Populo Romano unā duntaxat cervi-  
cem exoptabat, uno ut ictu omnes simul ob-  
truncare posset. Duo ipsi erant libelli, alter *Pu-  
gio* alter *Gladius* inscriptus. Ambo notas ac  
nomina continebant morti destinatorum.

4. *Qua morte occubuit?*

Cū sanguinaria hujusmodi agitaret consilia,  
à prætoris cohortis præfecto aliisque conjura-  
tis, gestiente sumopere & applaudente Roma  
universa triginta vulneribus confossus est aŕo  
ætatis undetrigesimo, Imperii 4to, Christi. 41.

4. *Claudius.*

1. *Qua via Imperii solium conscendit?*

Ab exercitu præter spem omnē & expectatio-  
nem suam Imperator est proclamatus, dum  
mortis metu latebris se occultabat. Senatus e-  
nim Romanus Imperiū monarchicum jam diu  
perosus, Cæsarum stirpem, unde Claudius ortū  
duxit, funditus parabat excindere. At milites

Cæsarē, ac nominatim Claudiū ea de causa exposcebat, quodd hic animo esset meticuloso, ac proin moderatio re, quàm Tiberius & Caligula, imperio in suos usus videretur, silente ad ista Senatu, nec ulterius refragari auso.

2. *Quæ Claudii indoles ?*

Hebeti admodum, ac stupido erat ingenio. Hinc factū, ut, qui orbē terrarū regere debuisset, ipsas aded libertis ac mulierculis regendum se permiserit, à quibus ad imania & indignissima quæque est inductus. Multos ex senatoribus & civibus, quos recens interfici jusserat, postero mox die & ad epulas, & ad alex lusū invitavit, & quasi morarentur, ut somniculosos per nuntiū increpuit. Occisa porro ejusdē jussu Melsalina conjuge vitiiis omnibus contaminatissima, paulo post, quàm mensæ accubuit, cur domina non veniret, requisivit. Inde Agrippinam consceleratissimā pariter criminam matrimonio sibi junxit, à qua boletis, quo cibi genere avidissimè vescebatur, veneno infectis necatus fuisse dicitur, ut Nero, ejusdē Agripinæ filius, quē demens Claudius, posthabito Britannico filio, Imperii hæredē instituit, sceptro citius potiretur. Obiit A. Christi 54.

5. Nero.

1. *Quæ ejus regendi ratio ?*

Primo quinquennio, Magistro & ductore Seneca, optimus Princeps est habitus; dein eò crudelita-



felicitatis processit, ut Senecā præceptorē, ma-  
rē Agrippinā, uxores geminas, fratrem, propin-  
quos, virosque alios honestissimos & amplissi-  
mos longè plurimos contrucidari iusserit.

2. *Unde prima Christianorū persecutio oborta?*

Auctor hujus erat Nero; nam cū ob Urbem,  
per ludū ab ipso incensā, cives tumultuari co-  
missent, culpam is suā in Christianos derivavit,  
quos Romæ edictis infectatus est primus, sup-  
pliciiis acerbissimis, penaque capitis in eosdē  
statutā. Horū non paucos, ferarum pellibus  
insutos, canibus dilacerandos objecit, alios pice  
ac sulfure illitos accendi, nocturnisque specta-  
culis funalium instar prælucere iussit. Princeps  
quoque Apostolorū Petrus & Paulus ejusdem  
jussu morte pariter mulctati fuere.

3. *Quanta ejus prodigentia?*

Ut Neronis libidinem plus quàm belluinam  
silentio præteream, luxus ejus penè incredibilis  
erat. Nullā vestē bis induit; piscabatur reti au-  
reo, mulorum soleas ex argento conficiendas  
curavit; hominibus diobolaribus vim auri in-  
gentem inconsultē ac temerē dilargiebatur;  
nunquam carrucis minūs mille iter fecit; pala-  
tium instar urbis extruxit, quod ob aurum in  
id operis profusissimè impensū, Domus aurea  
Neronis appellabatur.

4. *Quam mortem oppetiit?*

Execrabile hoc hominis monstrū ob scelerū  
suorū

suorū immanitate omnibus tandem adeo invisum se reddidit, ut à Senatu Populoque Romano ad necem quæreretur. Sed occupavit tyrannus hic carnificis officium, ferro in jugulum sibi met adacto A. Christi 68.

6. Galba. 7. Otho. 8. Vitellius.

1. *Quis Galba?*

Nerone etiamnū superstitite, ab exercitu Cæsar renuntiatus, septimo Imperii mense à militibus, quos Otho pecuniâ corruperat, Galba verò negato donativo, verbisque severioribus exacerbaverat, trucidatus est.

2. *Quis Otho?*

Imperium per scelus occupatum non nisi quatuor mensibus tenuit. Hic eodem ferè tempore à legionibus Italicis, quo Vitellius à Germanicis, Cæsar proclamatus, suis dein ad Cremonâ acie victis, violentas sibi met mang intulit.

3. *Quis Vitellius?*

Abdomen insaturabile, mense principatus octavo & Imperio, & vitâ exturbatum. Cæsar hic à Vespasiani militibus captus per Urbem raptatus, multisque confossus vulneribus, in Tiberim projicitur.

9. Vespasianus.

i. *Quid de hoc memorandum?*

Tenui fortuna, natus, sed belli usu præstans, à Nerone ad sedandos Judææ motus mittitur. Imperator ab exercitu salutatus, bello copiisque

Tito

Tito filio traditis, in Italiam ipse contendit.

2. *Qua laude regnavit?*

Perinsigni; unde quosvis ad sui amorē excitavit. Ea erat erga omnes facilitate, ut gravi licet ex morbo decumbens, egentissimo cuique sui adeundi alloquendique copiā fecerit. Sola est, in qua culpetur, pecuniæ cupiditas; nā necioacæ quidē de tributis eximebantur. Morti proximus, *Imperatorē*, ait, *stantē mori oportere*. Dumq; consurgere nititur, inter manus sublevantium extinctus est anno Imperii decimo,

CHRISTI 79.

10. TITUS.

1. *Quibus laudibus Cæsar hic ornari meretur?*

Vespasiani, boni parentis, melior filius, usque eo charus sumis æquē & infimis erat, ut amor ac delicia generis humani diceretur. Animo erat tā prolixo & benefico, ut diē illū perditum crederet, quo de nullo bene meritus esset. Nec alium in finem Principibus vitam hanc à DEO datam esse dictitabat, quàm ut omnibus prodesse. Admonentibus porrò domesticis, ne cuivis, ad se adeunti tam facilē benignumque sese præberet: *Non oportet, inquit, quemquam à Principis alloquio tristem discedere.*

2. *Quæ ejus mors?*

Biennio, quàm imperare cæpît, à Domitiano fratre, ut quidā existimant, veneno sublat, obiit, miro sui desiderio omnib, relicto A. Ch. 81.

F

II. DO-

II. Domitianus.

1. *Quis alteram Christianorum persecutionem edicto vulgavit?*

Domitianus, Vespasiani degener filius, Neroni, quàm Tito fratri similior. Hic sævissimas in Christianos quæstiones exercuit, quorū multa millia vitam pro CHRISTO profudère.

2. *Ecquodnam convivium apparavit?*

Humani cū sanguinis satur jam esset, sequentē in modū, quo nempe Barbari solent, sese oblectaverat. Romanæ Nobilitatis florē ad cœnā adesse iussit, ubi nil nisi funesta & tragica oculis auribusq; obversabantur. Cœnaculū nigris undique taperibus vestitū erat; sellæ lignæ, quibus convivæ insidebant, columnis, tumbæ speciem referentibus, erant acclinatæ, è quib; lychni funebres pendebant, singulorum, infra confidentiū, nominibus ascriptis. Ad cœnæ initium turba epheborū nigerrimorū conclave ingressa, ritus omnes, in exequiis usitatos, imitando expresserat. Domitianus ipse perluctuosū de morte sermonem habuit. Unde extremam omnes vitæ horā sibi instare credebant. Tandem Cæsar suam quemque domum curribus equisque regiis avehendum curavit, ubi novus cunctis terror injectus dum præ suæ quisque domūs foribus præstolantem vident legatum à Cæsare missum; qui non mortis, ut sibi persuaserant, sententiā, sed pretiosa ferebat donaria.

Atque

Atque ita tragœdia hæc læto saltem exitu terminata est.

3. *Quanta hominis hujus insolentia?*

Hanc ut orbi universo palam faceret, Dominum se, Deumque appellari jussit, cum interim perridiculus hic DEUS quotidie fermè in cubile se abderet, horasque aliquot captandis & configendis muscis consumeret.

4. *Quis vitæ ejus exitus?*

Domitiæ conjugis suæ nomen in tabulas mortuorum destinatorum retulit Domitianus. Has cum forrè inspexisset, suumque ibi nomen legisset Domitia, in perfidi mariti necem conspiravit, qui proin à suis paulò post interemptus est anno Imperii decimo quinto, CHRISTI 96.

12. Nerva.

*Quæ ejus indoles?*

Imperator erat mitis ac beneficus, non ex Italia, uti antecessores, sed ex Creta insula oriundus. Rescissis Domitiani actis omnibus, affectam rempublicam instauravit. Christianis, quos affligi vetuit, eo imperante, respirare paulisper licuit. Obiit ætate gravis anno Imperii altero,

CHRISTI 98.

C A P U T II.

Imperatores Seculi II.

13. Traianus.

1. *Quis huic ad supremum dignitatis apicem viam aperuit?*

Fa

Nerva.

Nerva, qui Traianū licet natione Hispanus, ac proinde alienigena esset, ob eximiam virtutem propinquis suis præferens, filiū sibi adoptavit, imperique hæredē instituit, cui tanta cum laude præfuit, ut Princeps optimus, ac patriæ pater passim salutaretur.

2. *Undenā tertia Christianorū persecutio orta est?*  
 Hanc quidē Trajanus edicto non sanxit, ut Nero ac Domitianus; quia tamen nocturnos cœtus, religionesque sectæ suæ adversantes, prohibuit, provinciarum præsidibus ac præfectis ansam præbuit atrociter in Christianos lævendi. At postquā à Plinio Juniore, Proconsule, de horū moribus inculpatis edoctus est; conquiri eos vetuit; puniri tamen, si offerrentur, jussit, tanquā conjuratos DEORUM suorum hostes.

3. *Quid ei potissimum laudi ducitur?*  
 Quod nemo eum unquam iratū viderit, quoddamque in bello contra Dacos suscepto militū vulnera, deficientibus fasciis, suamet purpurā obligârit. Percupere se dicitabat, talē ut Imperatorē se præbeat privatis, qualē erga se esse Imperatorē privatus optasset. Ejus porro violentiam & incontinentiā vel non notârunt Romani, vel certē disimularunt, quod cætera excellens Imperator esset. Regnavit annos undeviginti cum sex mensibus, obiitq; A. Chr: 118.

14. Hadrianus.

1. *Quid de hoc scriptores meminere?*

Erat

Erat itidē ortu Hispanus, Trajani propinquus, eruditione, ac pacis studio inclytus, qui singulari morum facilitate ac suavitate omniū sibi animos conciliavit. Procedentē fortē in publicum interpellat anicula, rogatque, aures sibi ut præbeat: neganti porrò Cæsari sibi jam vacare, succlamavit mulier. *Noli igitur regnare.* Ea vox ita movit Imperatorem, ut è vestigio vetulam sedulò ac perbenignè audierit.

2. *Qua laude imperavit?*

Ut omnium necessitati contuleret, Romani Imperii provincias pedes fermè ipse lustrandas suscepit, in præsidum ac procuratorum vitam moresque solerter ubique inquirens. Judæos porrò, nova denuò moliri ausos, iteratis cladibus domuit, pænitusq; contrivit. Christianos quoque aliquamdiu acerbè afflixit; brevi tamen Qüadrati, discipuli Apostolorū, oratione apologetica placatus est. Decessit anno imperii vigesimo primo, CHRISTI, 138.

15. Antoninus Pius.

*Quid de Imperatore hoc summam commemorandum.*

Ab Hadriano adoptatus, Imperiū quod summa cum laude gessit, pace refovere, quàm bello proferre maluit. Hinc illud persepe in ore habebat: *Malo unum civem servare, quàm mille hostes perdere,* dignus profectò, qui barbaris etiā nationibus singulari in amore fuerit ac

pretio. Antecessoris sepulchro visendi plane  
operis molē, quæ Hadriani dicitur, imponend  
curavit. Edicto vetuit, quemquā eo duntaxa  
nomine in jus vocare, quòd Christianus esset  
Obiit año Imperii tertio & vigesimo, Chr: 161

16. M. Aurelius Antoninus, & Lucius  
Verus.

1. *Quæ utriusque indoles atque ingenium?*

Hi, quòd ambo ab Antonino Pio adoptati es  
sent, *Divi fratres* dicti, concordibus animi  
unà regnabant, licèt morib; essent omnino di  
versis; nā Antoninus probam, improbā contr  
Verus ducebat vitā, cui intemperantia mortē  
præmaturam attulit. Antoninus Philosophia  
( unde & *Philosophus* dictus ) ac Stoicæ potiss  
simūm disciplinæ à puero deditus, id inde per  
didicit, ut læta inter ac tristia eundē semper  
vultum præferret. Felici Reipublicæ admini  
stratione verissimū esse comprobavit illud Pla  
tonis pronuntiatum: *Tum demum beatas fore*  
*Respublicas, si aut Philosophi regerent, aut Re-*  
*ges philosopharentur.*

2. *Quo prodigio Antonini exercitus presentissi-*  
*mo periculo est ereptus?*

In expeditione adversus Quados & Marcoman  
nos ( Moravos & Bohemos hodie vocamus )  
suscepta Antoninus luculenti sanè prodigii o  
culatus ipse testis, imò & præco fuit. Nā cūm  
ab hostili exercitu, quicū Vandali, Sarmatæ ac  
Suevi



Suevi arma & consilia confociaverant, cum omnibus suis copiis interclusus, sitique penè confectus, ad DEOS suos frustra confugisset, legio Christiana flexo poplite veri Numinis implorabat auxiliū. Et ecce! repentē imber largissimus in Romanorū castra decidit; in hostiū verò capita tam horribilis tempestas, grandine ac fulminibus permista, incubuit, ut loco omnes cedere coacti fuerint. Miraculū hoc Cæsar ipse datis ad Senatū Romanū litteris divulgavit, religionisque Christianæ cultoribus impunitatē exinde concedendam esse statuit.

3. *Quis quartam Christianorum persecutionem concitavit?*

**I.** Verus quo nomine Christiani subinde scriptores Marcum quoque Aurelium ob cōmune, credo, utriusque Imperium, appellant. Lucius porrò Verus persecutionem quidē edicto non lanxit, provinciarum tamen præfectis, consiliū exquirentibus, responsa dedit longè acerbissima, quibus incitati homines illi, omnis humanitatis expertes, Christianos atrociter insectabantur, carnificinā hanc prosequente Comodo. Obiit M. Aurel. Antonin. Philosophus anno Imperii undevicesimo, CHRISTI. 180.

17. Commodus.

1. *Num Imperator hic M. Aurelii parentis sui vestigiis institit?*

Et si ab hoc ingenuè liberaliterq; educatus erat,

postea tamen ab assentatoribus corruptus, Neroni aut Caligulae similior exstitit, quam parenti Philosopho utpote hominum spurcissimus, tyrannusque saevissimus. qui non nisi caedes & sanguinem sitiebat. Persecutionem quartam ab eo continuatam fuisse, paulo ante meminimus. Romanos senatoria & equestri familia genitos cogebat secum publice in arenam descendere, plumbeis duntaxat gladiis instructos, dum est contrario ipse ense ferreo & praecuto armatus proximum quemque ridente ore trucidavit.

2. *Et quod heroica scilicet fortitudinis specimen cum misera imbellique hominum turba depugnando edidit?*

Caecos, claudos, aliosque aliis corporis vitiis laborantes universam ex Urbe perquiri, circumque includi iussit, singulos singulis spongiis, quibus velut lapidibus Imperatorem incesserent, instructos. Ipse porro praegrandi clava armatus, arena ingreditur, & ictum toto corporis nixu quaquaversum librans, obvium quemque mactat, indeque velut re praeclare gesta, triumphantis in morem circo egreditur. Atque hoc hominis monstrum divinos adeo titulos honoresque sibi arrogans, Herculis habitu coli ut DEUS voluit. Tandem ob mores Imperatore prorsus indignos execrabilis omnibus, anno tyrannidis decimo tertio strangulatur, eraso ubique ejus nomine, statuisque everfis Anno CHRISTI, 192.

18. Ælius sive Helvius Pertinax.

19. Didius Julianus.

*Qui qualesque hi duo?*

Ælius, vel ob susceptum reluctantante animo Imperium, vel potiùs à parente alia de causa *Pertinax* dictus, à prætorianis, disciplinæ militaris, quam urgebat, impatientibus, tertio principatûs mense interfectus est. Didius Julianus Imperiû à militibus emptû, decemq; haud amplius hebdomadis sibi vindicatum, cum vita amisit, erubescens nempe Romanis, & aversantibus Imperatorem, qui supremum magistratum pretio est mercatus.

20. Septimus Severus.

1. *Quo pacto huic Imperium obvenit?*

Ortu Afer, à militibus Imperator creatur. Verùm cum eodem tempore diversis in locis Pescennius & Albinus Cæsares proclamati fuissent, geminos hosce competitores, iteratis præliis victos, de medio sustulit.

2. *Unde quinta Christianorum persecutio?*

Hanc edixit Severus, summaque crudelitate continuavit. Cum ob vehementes podagræ dolores ad imperandû minùs jam idoneus videretur, ejus filius ab exercitu Cæsar est salutatus. Quo comperto Severus confestim lecticâ ad curiam se deportari, simulq; novû Cæsarè cum tribunis & centurionibus filii jussit, quibus summo peris consternatis, veniamq; delicti submittere peten-

sè petentibus: *Sentitisne, inquit, caput imperare, non pedes?* Hunc Senatus judicabat aut nunquã nasci oportuisse, aut nunquã mori, quod & nimium crudelis, & nimis utilis reipublicæ videretur. Cum extremam adesse horam perentisceret, exclamasse fertur: *Cuncta fui: sed nihil mihi prodest.* Obiit anno CHRISTI 211.

## C A P U T III.

### Imperatores Seculi III.

21. Caracalla & Geta fratres.

1. *Quid de utroque strictim commemorandum?*

Caracalla ut imperaret solus, Getam fratrem in ipso aded matris sinu interemit. Deorum in numero postea repositum. Papinianum juris consultum, fraternum hoc parricidium improbantem, aliosque ad viginti millia, qui à Getæ partibus stabant, contrucidari iussit.

2. *Quæ causa cruenta illius stragis Alexandria à Caracalla edita?*

Alexandrum M. imitandum sibi proposuerat, cui consimilis omnino esse dicique voluit; cum tamen nihil ejus, nisi cervicem lævum in humerum inflexam æmularetur. Derisus idcirco ab Alexandrinis, crudelem in hos vindictam meditabatur. Urbem enim ingressus, simulabat, prætorianam cohortem delecturum se ex oppidanis, quos proinde in planitie seductos ab exercitu circumveniri, & oscidione occidi iussit. Ubi

tantum

tantum sanguinis fufum est, ut Nilus longo spatio sanguinolentus decurreret, fossæque ingentes cadaveribus opplerentur. Interiit hoc Romani Imperii probrum post sex annorum tyrannidem Macrini astu A. CHRISTI, 219.

22. Macrinus.

*Qualis hic Imperator?*

Obscuro loco natus, per omnes militiæ gradus Imperii solium conscendit, suffragante exercitu. Sed año uno, binisque mensibus exactis, cum filio Diadumeno, puero decenni, in Imperii consortiũ ascito, acie victus, & interemptus est.

23. Heliogabalus.

1. *Quæ ejus indoles atque ingenium?*

Huic ob vestes ac mores muliebres vitamque infandis sceleribus contaminatã infame Sardnapali cognomẽ est additũ. Año ætatis decimo quinto Imperii gubernaculis admotus, perinde se gessit, acsi à mente discessisset, licet non vulgari alioquin esset ingenio; quo tamen ad indignissima quæque abusus est.

2. *Quæ hominis hujus ineptia?*

Modò patinam prægrandem solis gallorũ cri-  
stis, modò pavonũ duntaxat cerebro, modò so-  
lis perdicum ovis refertã, mensæ inferri jussit.  
Maritimis in oppidis degens, solã ferinã, in  
mediterraneis verò solis piscibus marinis, iis-  
que exquisitissimis vescebat. Jam non nisi  
strabones, jam solum strumosos, aliàs nasones

dunta-

duntaxat aut glabrones ad mensam vocavit, quibus subinde dapes ex ligno solum vel cera confectas apponi iussit, ventre integrum guttureque; esuriales agentibus ferias. Nobiliores porro convivas culeis, aere intruso tumefactis, insidere, mensaque iussit accumbere, dum, aura sensim rarefcente, in terram universi tandem defluerent. Ad ostentandam Urbis amplitudinem telas aranearum omnes Romae unum in cumulum, decies mille libras ut perhibent, pendentem, congerendas curavit.

3. *Quando, & ubi mortaliū hic effeminatissimus & inquinatissimus animā impurissimā evomit?*

Postquam Imperii solium tribus & amplius annis dedecoravit, funestavitque, à militibus, cum in latrinam se abdidisset, interfectus, perque urbis vias & cloacas, à plebe raptatus, & post mille tandem ludibria in Tiberim est abjectus, tanquam Urbis, imò & orbis totius scæx ac purgamentum, A. CHRISTI 222.

24. Alexander Severus.

1. *Quibus laudum encomiis Imperator hic celebrari meretur?*

Quamquam Heliogabali consobrinus erat, ac vix aënos natus sedecim regnare jam cœpit; ea tamen laude gessit imperium, ut Augustum & Trajanum si non superaret, certè æquaret, Princeps optimus, numerisque omnibus absolutus. Bonarum artium cultor eximius, non nisi hominum

erudito-

eruditorū & sapientū consuetudine delectabatur, assentatoribus, sannionibus, aliisq; hujusmodi hominū quisquiliis procul à se amandatis. Ulpianum præceptorem suum, quem aliquando suæmet purpuræ objectu ab hostibus protexisse fertur, maximi semper fecit, & cum hunc, tum alios viros doctos, quos inter Christiani non pauci in ejus regia versabantur, de rebus omnibus consuluit.

2. *Quod ejus apophthegma?*

*Quod tibi non vis fieri, alteri ne feceris.* Id quod à Christianis acceptū, ubique in palatio, atque operibus publicis inscribi jussit. Milites rigidā habebat disciplinā; unde & Severus cognominatus, & hac ipsa de causa ab iisdē peremptus tandem fuisse dicitur anno Imperiū decimo tertio, CHRISTI 235.

25. Maximinus.

1. *Quis qualisque hic fuit?*

Genere Thrax, ex pastore primū miles, deinde dux, postremò non Senatūs, sed militū suffragatione Imperator, corporis staturā prope gigas, immanitate Busris, aut Phalaris, robore juxta atque edacitate Milo, utpote solus cum duodecim viris congregari & colluctari ausus, unoq; in prandio quadraginta omnino libras bubulæ devorare solitus. Hic necis, Alexandro illatæ, machinator præcipuus fuisse traditur.

2. *Unde*

2. *Unde sexta Christianorum persecutio?*

Tyrannus hic truculentissimus primū furorem in eos effudit, quos nataliū suorū conscios nōrat, ne fidissimis quidem amicorū parcens. Inde promiscuē in omnes, maximē in Christianos sēvire cœpit, ad necem quæsitis Sacerdotibus potissimū & Doctoribus, ut pusillū CHRISTI gregem, pastoribus destitutum, dissipare facilius posset, ac perdere.

3. *Quis Imperii ejus exitus?*

Ob crudelitatem plūs quā barbarā à Senatu Romano Reipublicæ hostis judicatus est, inaugurato in ejus locum Gordiano, qui ingravescente jam senectā filium cognominē Imperii consortē sibi adjunxit. Verū cū paulō post ambo occubuissent, Senatus Pupienū & Balbinū Imperatores dixit; qui tamen, quōd electi non fuissent exercitu suffragante, à militibus intercepti sunt. Interim & Maximinus in castris ad Aquileiam positus, cum filio trucidatus est anno tyrannidis tertio, CHRISTI 237.

26. Gordianus.

1. *Cur hic ad Imperii solū præ aliis est evectus?*

Cū ob geminos, quos dixim⁹, Gordianos, quorū prior avus, posterior parens, vel è quorundā sententiā avunculus fuerat; tum ob præclaram prorsus indolē, eximiasque corporis & animi dotes summo omnium ordinū consensu imperator electus ac receptus est, sexdecim licet,



cet, aut tredecim duntaxat annos natus. Inter primum imperii rudimentum ab assentatoribus deceptus, fecit, quæ infecta dein voluisset. Qua de re cum à Misitheo socero suo, eximie virtutis ac prudentiæ, comoneretur, exclamavit: *Miserū esse Principē, apud quē vera sileantur.*

2. *Quo fato sublatuſ est?*

Extincto, Philippi fraude, Misitheo, cujus operâ & consilio Gordianus insignes, ab hostibus victorias reportavit, ipse dein ejusdē Philippi artibus ac perfidiâ imperio primū, moxque & vitā spoliatus est anno post initum principatum sexto, CHRISTI, 244.

27. Philippi, pater & filius.

1. *Quo pacto hi Imperium obtinere & amiserunt?*

Philippus Arabs, obscuris ortus natalibus sicut violenter invasit Imperium, ita istud quinquennio post amisit, violenta pariter morte sublatuſ ab exercitu, quem Decius in suas prius pertraxit partes. Eodem tempore Philippus filius, quem parens collegam sibi ascivit, Romæ interemptus est A. CHRISTI 249.

2. *Num ambo hi Philippi Christianis sacris initiati fuerunt?*

Affirmant non pauci; ac patrē quidē, quidquid in Gordianum antehac commisisset, sacro postea Baptismatis fonte eluisse testantur. Alii contra aliter sentiunt; hancque honoris prærogativam Constantino M. vindicant.

28. Decius.

*Quis septimam Christianorum persecutionem  
fieri edicto sanxit?*

Hic ipse Decius, qui Christi sectatores undique conquiri, & igni ferroq; ex orbe universo exterminari iussit. Verum mox altero Imperii año in expeditione adversus Scythas suscepta à Treboniano Gallo stratego suo, proditus, inque infidias est pertractus. Quas cum declinare vellet, unà cum equo, cui infidebat, in profundissimam paludem demersus & vivere, & videre desuit A. CHRISTI 251.

29. Gallus & Volusianus.

*Quam ignominiam notam Gallus, Decii proditor,  
& Christianorum quoque exagitator nomini  
Romano inussit?*

Pacem cum Scythis iniit, probrosa hac conditione adjecta, annum ut iis tributum ab Romanis penderetur; ac proinde Romam, orbis Dominam, barbaris vectigalem fecit, id quod nunquam antea usu venit. Quocirca Gallus cum Volusiano filio juxta ac Collega interemptus est anno Imperii altero, CHRISTI 254.

30. Æmilianus.

*Cur homo hic obscurus, ac natione Barbarus  
Imperator est acclamatus?*

Profligatis hic Scythis, prædam omnem inter milites divisit, qui proinde Imperatorem eum salutaverunt. At postquam Valerianum cum Gallieno ad

no ad supremam hanc dignitatem promotum esse inaudierant, Æmilianum cum ob generis humilitatem, tum ob belli civilis metum post trimestre imperium vitam privarunt.

### 31. Valerianus & Gallienus.

#### 1. Unde persecutio octava est coorta?

Hanc Valerianus magni cujusdam Ægyptii impulsu concitavit, qua durante Christiani, atque inter hos Laurentius, Hyppolitus alique plurimi, atrocissimis tormentis sunt excruciatii. At brevi DEUM sensit ultorem, dum à Sapore Persarum Rege victus captusque servitutis longè probrosissimæ jugum subire cogebatur. Quippe Rex barbarus, equum conscensurus, Valeriani Augusti dorso pro scabello uti, ferreæque idcirco cavæ inclusum ubique secum circumferre consuevit. Tandem vivum deglubi, corpusque scedè laniatum sale perficari jussit.

#### 2. Quis Gallienus?

Homo impius, omniq; scelere coopertus, qui parentem Valerianum sciens volensque durissimam atrineri custodia est passus, licet ad eum liberandum à suis identidem sollicitaretur. Infame hoc libidinis ac gulæ mancipium otio & luxuria diffuebat, dum vis undique coorta Romanum concussit Imperium, quod triginta omnino tyranni velut hostile spoliū inter se partiebantur, Imperatoris quisque titulo sibi arrogato. Cumque eodem tempore barbari quoque varias in provinciis

vincias irruptionē fecissent, tandē Gallienus al-  
to quasi somno excitatus, ad arma conclamare  
cepit. At paulō post à conjuratis ad Mediolanū  
interfectus est A. CHRISTI 268. postquā cum  
parente septem, solus octo, universè quindecim  
annis Imperii solium contaminavit.

### 32. Claudius II.

*Qua laude gessit Imperium?*

Disciplinæ militaris apprimè peritus, afflictam  
antecessoris sui ignaviâ Rempublicam erexit.  
Dubitante porrò Senatu, priusne tyranni, quàm  
barbari bello sint petendi, Claudii hæc erat sen-  
tentia: Tyrannos hostes esse imperatoris, barba-  
ros verò Imperii ac Reipublicæ, ac proinde hos  
prius debellandos esse: quod & factū est succes-  
su tam prospero, ut amplius trecenta Gothorū  
millia cæsa, naves bis mille demersæ, indeque  
tyranni insuper oppressi fuerint. Interit Clau-  
dius lue pestifera altero Imperii anno, Prin-  
ceps laudatissimus, nisi in Christianos sævisset.  
Suecessit Quintillus frater, qui post dies se-  
ptemdecim vel à militibus, vel venis sibimet  
incisis perit. Unde à Scriptoribus plerisque  
silentio prætermittitur.

### 33. Aurelianus.

*I. Quid de hoc memorandum?*

Obscuro loco natus, sed rebus gestis clarissimus  
comūibus suffragiis obtinuit Imperiū, quod  
ab hostiū incursionibus egregiè tuebatur Ze-  
nobiā

nobiâ Reginâ virilis animi fœminâ, quæ in Oriente rerum potiebatur, victâ, captaque, ac Tetrico, qui Galliam sibi vindicaverat, in ordinẽ redacta, triumphum egit, quo magnificentiorẽ ad id usque temporis Roma non vidit. Occisus est año Imperii quinto, CHRISTI 275.

2. *Uide nona Christianorum persecutio?*

Quamquam Aurelianus à promulgando fatali in Christianos edicto absterrebat miraculo, quo manus ejus parata subscribere, subito dirigit; eo tamen regnante, non pauci extrema pro CHRISTO supplicia subiẽre sive ipsius, sive potiùs præfectorum culpa.

3. *Quis Aureliano successit?*

Post septem mensiũ interregnũ, cùm exercitus Senatui, hicque illi Imperatoris eligendi potestatem permisisset, tandem ab Senatu designatus est Tacitus prudentiâ & moderatione insignis, qui facta non uno demonstravit, boni Principis esse magis amare Rempublicam, quàm suos. Post semestre imperiũ aut morbo, aut militum, disciplinæ impatientiũ, insidiis de medio est sublatus. Hujus frater Florianus exinde Imperium, hæreditario quasi jure sibi debitum, invasit, quod duos duntaxat menses tenuit. Nam postquam Probus à magna exercitũs parte Imperator est acclamatus, aut militum, aut suamet manu interit.

34. Probus.

G2

3. Quibus.

1. *Quibusnam laudibus celebrari meretur?*

Ob eximiam rei militaris peritiam, dotesque planè regias, loco licèt infimo natus, ad supremum dignitatis fastigium ascendit. Germanos Galliã infestantes omnino compescuit, quadraginta faciliè millibus cæsis, novemq; eorũ quã Regibus, quã regulis ad pacem veniamq; suppliciter petendã compulsis. Bello hoc, aliisque compluribus prosperè confectis victor gentium gloriosissimus Romanam revertit.

2. *Quem ibi triumphum egit?*

Longè magnificentissimum, ad cujus splendorem celebritatemq; augendã arbores proceras, cum ipsis adeò radicibus, evulsas, è sylvis advehendas, & in Circo maximo in terrã depangendas, curavit, ut in sylva hac artificiosa ludicris quibusdã venationibus oculos, animosque spectatorum oblectaret. Hunc in finem mille primùm struthiones totidemq; cervos & apros, die verò insequente leones ducentos, leopardos centum ac totidẽ urfos agitari iussit. Quæ omnia demum populo in prædam cessere.

3. *Quo fato est sublatus?*

Pace terra marique parta, cùm pro more suo milites frequenti nihilominus opere exerceret, ab iisdem interemptus est anno Imperii sexto,

CHRISTI 282.

35. Carus parens, Numerianus, & Carinus filii.

1. *Quis Carus?*

Hic

Hic recuperatis quæ ab Romano priùs Imperio avulsæ fuerant, Provinciis quibusdam, aut morbo, aut ictu fulminis interiit, cùm annum, eoque ampliùs imperâisset.

2. *Quis Numerianus?*

Bona præditus indole, oratorque ac poëta insignis, cùm ob assiduas lacrymas, quibus parentis mortē prosequeretur, ex oculis graviter laboraret, adque idcirco in cooperta lectica gestaretur, ab Apro socero, Imperium affectante, occiditur. Hujus mortem Apri cæde ultus est Diocletianus, à militibus in Numeriani locum susceptus.

3. *Quis Carinus?*

Alter Cari filius, à patris ac germani moribus omnino degenerans, utpote crudelitate, lasciviâ, aliisque vitiis infamis. Caro ac Numeriano in Orientē profectis, ipse interim in occidente rerū poteratur ob profusissimâ libidinē militibus tantopere invisus, ut eapropter à tribunis suis trucidatus fuerit altero imperii, A. CHR 284.

36. Diocletianus & Maximianus.

1. *Quis Diocletianus?*

Erat origine Dalmata, familiâ ignobilis, sed disciplina militari nobilitatus, qui ut spectabilior esset, vestes, imò & calceamenta gemmis distinxit; cùm tamen Imperatores alii non nisi chlamydem auro intertextam solerent induere. Quin eò insolentiæ processit, ut divinos a-

ded honores sibi deferendos curarit.

2. *Quis Maximianus?*

Homo agrestis, e Pannonia oriundus, quem ob rei militaris peritiam Diocletianus in Imperii consortium ascivit, ed dein gratiorem, quod crudeliorem in Christianos expertus fuerat.

*Quis decimam persecutionem edixit?*

Diocletianus & Maximianus. Postrema hæc quidem, sed & omnium atrocissima erat persecutio, extrema quæque tentante inferni tyranno, Christianū ut nomen omnino excinderet. Igitur Christianorū sanguine inundatus terrarū orbis, solaq; in Ægypto fidei Christianæ causâ ultrâ centum quadraginta quatuor millia morte; exsilio verò septingenta omnino millia mulctata fuere. Adhæc Rōæ mensis unig spatio septemdecim Martyrū millia numerabantur, & Nicomediæ una die (Domini natalis erat) unoque in templo permulta Christianorū millia concremata sunt.

4. *Cur duo insuper Casares sunt creati?*

Cum & tyranni & barbari Imperiū undiq; incurfarent, gemini illi Imperatores, utpote tot hostibus repellendis impares, duos sibi collegas cooptarunt, Constantiū nempe Chlorū & Galerium, Imperio ita dispartito, ut suā quisq; partem ab hostium incurfionibus tueri posset.

3. *Cur Diocletianus & Maximianus Imperio se abdicarunt?*

Ille Imperii ut oneribus curisque innumeris se-



se eximeret; hic verò ne collegæ displiceret, ambo forlan ex desperatione extirpandæ Religionis Christianæ, quam, tanto licèt sanguine ubique terrarum effuso, magis in dies magisque florescere viderunt, latiusque diffundi.

6. *Quæ utriusq; vivendi ratio, depositâ purpurâ?*

Diocletianus Salonas, Dalmatiæ urbē, patriam nempe suâ, secedens, hortū manu sua novem ipsos annos coluit, dum tandē Constantino M. ad Imperii solium evecto, conjurationis insimulatus, mortem, manu alioquin aliena inferendam, sibi ipse conscivit. Maximianus porrò cū Imperii clavum, quem propè invitus abjecerat, recipere omnino in animū induxisset, Constantini jussu, cujus vitæ insidiabatur, strangulatus est anno sexto, quàm ab Imperii gubernaculis recessit.

37. Constantius Chlorus & Galerius.

1. *Qua conditione Maximianus in Imperii consortium ascivit Constantium?*

Ut repudiatâ Helenâ, ex qua Constantinū susceperat, Theodoram Maximiani privignam, matrimonio sibi jungeret, sicque cum collega juxtâ ac socero suo conjunctior viveret.

2. *Quæ Constantii virtutes at decora?*

Eximia erat in omnes, etiâ Christianos, facilitate ac beneficentia, atque idcirco omnib; longè acceptissimus, imò & dives satis etiâ sine exactioibus pecuniariis, utpote qui veras Principis o-

pis opes in fide amoreq; subjecti sibi populi po-  
 fitas, sicque longè meliùs tutiusq; elocatas ac  
 depositas nõffet. Idẽ, ethnicus licet, cùm quos-  
 dã aulæ ministros aut CHRISTUM, aut aulam  
 deserere jussisset, eos qui CHRISTUM aulæ an-  
 teponebant, retinuit, cæteros verò dimisit, ra-  
 tus nec in se fideli futuros animo, qui ne in DE-  
 UM quidẽ suũ fuissent. Imperator hic Constan-  
 tiã urbẽ ad lacũ Aconiuũ condidit adversùs A-  
 lemañorũ irruptiones. Obiit A. CHRISTI 306.

*s. Quis Galerius?*

Diocletiani gener, consorsq; Imperii pastor o-  
 lim armentorũ ( unde & *Armentarius* cogno-  
 minatus) homo sævus ac truculentus, crudeli-  
 tateq; in Christianos, perinde ac gemini illi ty-  
 ranni Licinius & Maximinus, quos sibi colle-  
 gas cooptaverat, infamis. Fœdo atrociq; mor-  
 bo & Galerius & Maximinus, quẽ Licinius a-  
 cie vicit, consumptus periit, vivus uterque à  
 vermibus corrosus. Licinius porrò à Constan-  
 tino M. qui A. CHRISTI 306. suscepit Imperiũ,  
 profligat9, & à regni gubernaculis est deject9.

## Observationes.

De Imperatoribus, qui primis tribus  
 Sæculis regnârunt.

1. *Quis Romani Imperii stat9 sub Imperatorib9?*  
 Sæculo primo sub Augusto, imò & ejus suc-  
 cessorib9, licet profligatæ plerique vitæ essent;  
 nec nõ

nec nō Sæculo secundo sub Imperatoribus magnam partem probis Imperium summopere floruit. Tertio porro Sæculo, Imperatoribus nunc probis, nunc improbis Reipublicæ gubernacula tenentibus, multis magnisque calamitatibus conflictabatur.

2. *Melioréne loco Romana erat Respublica sub Consulibus, an sub Imperatoribus?*

Si æquè boni fuissent Imperatores omnes, sub his meliore haud dubiè fuisset statu.

3. *Quam ob causam Romanorum Respublica in Monarchiam est mutata?*

Ob bella intestina & internecinas civium discordias ac factiones, quibus alioqui Respublica hæc penitus fuisset disturbata, nisi sub unius redacta fuisset imperium.

4. *Unde tot Imperatorū vita longè flagitiosissima?*

Cùm ex rerum omnium abundantia, tum effrenata quidvis audendi licentia, tum etiam ex defectu Religionis orthodoxæ, quæ optima morum magistra est.

5. *Cur tertio præcipuè Sæculo alii identidem, alii- que Imperatores eligebantur?*

Cùm ob inconstantiam militum, Imperatores arbitrato suo designantium, rursusque Imperio aut vitâ privantium; tum ob æmuloꝝ, supremam hanc dignitatem affectantium ambitionem ac dominandi libidinem.

6. *Cur Imperatores militum plerumque suffragatione eligebantur?* Quia

Quia hi & potentiâ vique armorum, & aucto-  
ritate plurimum tunc poterant.

7. Num verisimile est, Trajani Imperatoris ani-  
mam S. Gregorii M. precibus ereptam post-  
modum ex inferis fuisse?

An illis hæc fabula est, à viris doctissimis pridem  
explosa, invictisque argumentis confutata.

8. Quo tempore fides Christiana Romæ cepit  
florescere?

Ineunte Claudii principatu, cujus aho secundo  
vel, ex aliorum sententia, decimo S. Petrus  
CHRISTI Vicariis, Romæ sedē fixit Pontificiâ.

9. Cur Imperatorū nullus Christiana sacra susce-  
pit, quamvis tot tantaq; miracula vel viderint i-  
psi, vel ex testibus fide dignissimis audierint?

Quòd ob vitâ flagitiosissimâ indignos, parum-  
que idoneos se redderent ad cœlestem Evan-  
gelii doctrinam percipiendam.

10. Cur Imperatores in Christianos, ab omni vitio  
remotissimos, tam savas exercuere quæstiones?

Tum instinctu impulsuq; tyranni Stygii ejusq;  
satellitū, poparū præcipuè, tum quòd Christia-  
norū vita moresq; inculpati perversis Impera-  
torū moribus ac vitæ è diametro erant oppositi.

11. Cur DEUS nascentem Ecclesiâ tam atro-  
cibus vexationibus premi est passus?

1. Ut palam faceret, ejus uti exortus, ita &  
progressus atque incrementa nō humanæ in-  
dustriæ ac sagacitatis, sed Divinæ potentix ac  
sapien-

Sapientiae opus esse prorsus mirandū; secūs enī  
 tot tantisque insectationibus à potentissimis  
 mundi Monarchis ubique terrarum agitata &  
 jactata succumbere pridem debuisset funditus-  
 que interire. 2. Ut omnibus perspicuum esset,  
 Religionem Christianā non posse, non esse ve-  
 ram, utpote ad quam testificandam tot cente-  
 na Martyrum millia vitam & sanguinē sum-  
 ma animi alacritate ultrò profudissent. 3. Ut  
 nascenti Ecclesia perinde atque arbor novella,  
 his ipsis persecutionum ventis circumflanti-  
 bus firmiores altioresque radices ageret.

12. *Nonne magis è re usuque fuisset Ecclesia, si  
 Imperatores omnes eidem favissent?*

Neutiquam; sic enim grande hoc divinæ sapi-  
 entiae ac potentiae opus videri potuisset huma-  
 nis potiùs consiliis subsidiisque niti.

13. *Si persecutiones tantum emolumentum attulē-  
 re Ecclesiae, cur DEUS hanc non ab omnibus  
 Imperatoribus affligi vexariq; est passus?*

Quia suavissimæ DEI providentiæ ordo aliud  
 videbatur exigere. qui sicut nocti diē, hyemi  
 æstatem, nubilo serenum; ita & læta tristibus,  
 amaris dulcia, prospera adversis perpetua vi-  
 cissitudine vult succedere. Et sicut venti per-  
 petui, ac vehementes arbusculā nō durarent  
 firmarentq; , sed pessundarēt; ita & persecuti-  
 ones, nisi DEUS his modū posuisset, nō æquē  
 utiles fuissent nascenti Ecclesiae; tametsi hæc  
 uti huc-

uti hucusque, & deinceps perstitura sit semper immobilis & invicta nullis, quantiscunqdemum, persecutionū affultibus expugnanda

14. *Cur DEUS amicos suos longè dilectissimos acerbissimis & indignissimis vexationibus premi; hostes vero conjuratos, Imperatores nimirum ethnicos, bonis omnibus affluere est passus?*

1. Ut viam nobis ad cælum monstraret, asperam quidem, oppidoque difficilem, certissimam tamen, & expeditissimam, quam CHRISTUS ipse, caput & Dux noster, prævit, Sanctique omnes institère. 2. Ut mortales inde condiscerent, quàm parvi, imò nihili regna mundi omnia, Principatus, dignitates, honores, voluptates, divitiæ &c. sint faciendæ, cùm DEUS cuncta hæc, tanquam vilissimas quisquilias fastidiat, relinquatq; hostibus suis infensissimis, acerbissimæ exinde servitutis jugū apud inferos æternū subituris; suis contra sectatoribus rerumq; harum omniū contemptoribus regnū destinet òni ævo duraturū. Quapropter deslenda summopere tot hominum cæcitas, dicam, an stultitia, qui ut puncti illius, quod inter tot gentes igni ferroq; dividitur, particulā quandam obinent tandem, pensi nil habent regni illius cælestis, sempiternis sæculorum ætatibus duraturi jacturam facere irreparabilem.

**Omnia ad Majorē DEI Gloriam.**

# Tabula Chronologica Quatuor Monarchias complectens. Monarchia Assyriorum.

Reges Assyrii.	Anni Reg:	usque ad añ.
1. Nemrod ab año Mūdi 1879	65.	1944.
2. Ninus - - - - -	52.	1996.
3. Semiramis - - - - -	42.	2038.
3. Reges universè ĩperātes ā.	1120.	
7. Sardanapalus - - - - -	20.	3178.
1. Salmanasar - - - - -	8.	3317.
2. Sennacherib - - - - -	6.	3323.
4. Merodach ab anno 3345.	40.	3385.
7. Nabuchodonosor - - - - -	44.	3472.
9. Balthasar - - - - -	20.	3516.

Stetit annis 1637.

Persia pars prius erat Assyriorum Monarchiæ, à qua, extincto Sardanapalo, avulsa, Me-  
dis primùm, ac demum Cyro cessit.

## Monarchia Persarum.

Reges Persarum.	Anni Reg:	usque ad añ.
Cyrus ab anno 3516.	8.	3524.
Cambyfes - - - - -	7.	3532.
Darius Hystaspis filius - - - - -	36.	3569.
Kerxes I. - - - - -	20.	3589.
Artaxerxes Longimanus.	40.	3629.
Darius Nothus - - - - -		3649.

Artaxerxes Mnemon - - -	40.	3689.
Darius Artaxerxes Ochus	26.	3714.
Artes, five Atames - - -	4.	3718.
Darius Codomanus - - -	6.	3724.

Stetit annis 208.

### Græcia.

Dividebatur primū in varia regna, ex quib9 cœpit		
Sicyonicum anno mundi - - -		1890.
Atheniense - - - - -		2446.
Lacædæmonicum - - - - -		2570.
Expeditio Argonautarum - - -		2793.
Excidium Trojæ - - - - -		2870.
Fabulæ usque ad ann: - - - -		2895.
Olympiades - - - - -		3278.
Athenienses bellū gerunt cum Persis		3546.
Græcia tota cum Xerxe &c. - -		3574.
Græci armis inter se contendunt		3596.
Philippus Græcis bellum infert		3700.

### Monarchia Græcorum.

Alexander regnavit 6. añ ab A. 3724. ad		3730.
Macedonicū regn: post Alexan: sub 17.		
Regibus annis 157. - - - - -		3887.
Syriacū sub 22 regib9 añ: 249. ab A. 3742		3991.
Ægyptiū sub 13 regi: añ 293. ab A. 3731		4024.

Stetit 300. annis.

### Italia.

Janus prim9 Italix Rex ab año Mundi		2272.
Successere 21 Reges usq; ad Romulū		
Condita Rōa, cœptumq; Romuli reg:		3301.
Successere 6. Reges usq; ad añ: Mūdi		3548.



9.	Consules cœpère administrare Rēpubl.	3545.
4.	Bella prospera cum variis Italiae populis	3780.
8.	Bellum triplex Punicū ab A. 3790. ad	3908.
4.	Bella alia externa usq; ad annū ferè	4000.
	Bella intestina ab A. 3967. usq; ad añ. ferè	4024.

Monarchia Romana.

	Octavius Augustus Imperator ab añ M.	4024.
	usque ad annum CHRISTI, - -	15.
	Sæculo I. Imperatores 12 usq; ad A. Ch.	98.
	Sæculo II. Imperatores 7. usque ad	193.
	Sæculo III. Imperatores 18. usque ad	306.
	Constantinus Magnus A. CHRI: 306.	

Synchronismus Historiæ


Hebrææ.

	Abrahā ab año Mundi 2039. usq; ad	2214.
	Isaac - - - - 2139. - -	2319.
	Jacob - - - - 2199. - -	2346.
	Moyse - - - - 2464. - -	2584.
	Exitus ex Ægypto 2544. - -	
	Josue Moyse succedit 2584. - -	2600.
	Judices Israëlitarum - - - -	2962.
	Reges - - - - 2962. - -	3446.
	Captivitas Babilonica 3446. - -	
	per annos 70. - - - -	3516.
	Duces & Pontifices 3516. - -	
	Alexandri Adventus	
	Hierosolymam sub	
	Jaddo Pontifice - 3722. - -	
	Judæos persequuntur Ægypti & Syriæ	
	Reges.	Judæa

Judæa in Provinciæ formam redigitur à  
 Pompeio - - - - - 3991  
 Herodes Rex - - - - - 4017  
 CHRISTI ortus - - - - - 4053  
 Ejusdem mors - - - - - 4086  
 anno ætatis - - - - - 33  
 Promulgatio & propagatio Evangelii.  
 Decem persecuciones sub Imperatoribus ethnici-  
 cis.  
 Liberum Exercitium fidei Christianæ sub Con-  
 stantino M.

F I N I S.





50.

2.

3

Libria Jacyphi Juchniski

Biblioteka Jagiellońska



stdr0022057

